

復莊詩問

鎮海姚

變復莊著

寶山蔣敦復劍人選

東華門燈市

受業鄞郭傳璞鈔



錦障四五里明霞蕩花綺箔十三樓明月天上頭燈  
 氣春濃月氣避花氣薰烟攪酒氣綠疏桶子堆墨紗鬟  
 影鬢影銜尾鴉東巷燈梯跳白索西巷撾箏舞裙禡上  
 兒密失叉兒機俱樂器名見毬子扶空蝴蝶飛十三懸  
 燈十八止百萬金錢作一市朱門釘子金獸環一更二

孔雀東南飛一詩千古絕唱後人效為  
之徒或東家施耳此則不屑屑規倣  
而氣味神均並臻絕妙那得不獨步  
一時並有千古後注

更人如山謂得宜男女之光曰摸釘兒三更車子內家  
出中官籠燈擁驕卒五侯七貴爭讓街瑟瑟滿地尋墮  
釵宮漏沈沈四更杪脆管如絲碧烟裊玉河橋影垂殘  
虹五更月斜聞禁鐘豪宴誰家席未散犢禪磨穿羊胛  
爛醉醒吾行晨未歸風寒露下思添衣歡場補得  
帝心苦打遍冬冬太平鼓

雙鴛篇

郎心愛妾千黃金妾身事郎無二心郎年十七妾十六  
圓轉朱輪得華轂與郎生小閭門里與郎結禱在燕市  
阿耶愛妾孃愛郎但看郎歡為妾喜與郎為水同一池

與郎為木同一枝與郎為帶同一結與郎為繭同一絲  
郎命妾所依妾命郎所與不願與郎分但願與郎聚郎  
為飛雁妾作雲郎作垂楊妾為雨妾身金縷衣比郎光  
與輝妾腕玉條脫比郎顏與色妾佩明月璫比郎不斷  
宛轉腸妾粧郎共肩芙蓉出淥搖晚妍妾眠郎共枕鴛  
鴦迴波落春影東鄰窈窕女對郎盈盈眉欲語西鄰輕  
薄兒對妾依依神為馳郎但知有妾妾但知有郎明鏡  
不掩幃燈光牡丹不奪蘭草香郎心與妾相始終妾心  
與郎相終始不必同日生但願同死不必同日死但  
願郎生妾先死不願郎死遺妾生妾為影郎為形妾如

珠郎手擎妾為郎婦身分明妾為郎婦天鑒之為郎之  
婦千人知郎飽妾共飽郎飢妾共飢一飢一飽與郎共  
山崩川竭無更移阿耶日久嫌郎貧日日要郎離妾門  
阿孃恨郎不賺錢要郎遠客三城邊三城何崙萃三城  
何崙堯三城溪水深水毒溪無橋三城黑沙黑沙同  
鳴鶻三城多劫賊劫賊凶咆哮劫賊殺人如殺焚白骨  
堆積城門高三城多白楊白楊風蕭蕭蕭蕭颯颯啼怪  
鴉其下有穴狐狸嗥老客停馬不敢過年輕出門郎奈  
何摘妾胸前璣為郎換棉衣脫妾足下履為郎易食米  
典妾金纏臂為郎市鞍轡賣妾珊瑚翹為郎置寶刀思

郎光與輝妾身尚有金縷衣念郎顏與色妾腕尚有玉  
條脫憶郎不斷宛轉腸妾佩尚有明月璫出門七月期  
初六是良吉置得一杯酒與郎作離別杯中一滴酒心  
中一滴血不飲愁郎飢飲之恐郎咽秋烟在鏡芙蓉彫  
秋風在衾鴛鴦影秋雲不行雁影獨秋雨不雨楊枝惟  
阿耶向郎誓不得千金弗還里阿孃從郎唾千金不得  
毋來歸妾手掩面啼聲低妾手不敢牽郎衣向郎不語  
心依依欲語又恐耶孃疑見郎屈一指似郎為妾經年  
期十月開梅花二月開桃李六月菱荷香青青出蒲葦  
但願郎得千金歸先向耶孃買歡喜卸妾玉條脫何有

顏色強解妾明月璫何有輝與光脫妾金縷衣為郎摺  
疊空竹箱譬如生小不嫁郎見之徒令心悲傷視妾雙  
眉蛾歸來記取青不多記妾領中扣歸來與郎驗肥瘦  
為郎不下堂為郎不出房為郎安慰耶為郎安慰孃為  
郎日焚香焚香祝告天蒼蒼正月梅花殘三月桃李紅  
七月落菱荷蒲葦青茸茸日高聽鈴馬鈴馬鞞鞞過樓  
下日落聞行車行車卻向東南馳半年得一信一年不  
得郎邊書有客三城來聞之欲語還囁嚅三城多白楊  
三城多劫賊三城溪水深三城黑沙黑老客停馬不敢  
過年輕出門那得歸阿耶從妾言負汝青春年阿孃向

妾語是汝命生苦憐汝命生苦為汝重翦紅羅襦紫為  
繡鳳青天吳複帳六尺八箇箇四角垂流蘇畫簾六尺  
三緣以鸞錦椒泥塗東家郎好光輝勸汝弗愛金縷衣  
西家郎好顏色勸汝弗愛玉條脫東家西家郎手中繫  
纍千金黃心中不斷宛轉腸汝還弗愛明月璫稽首耶  
孃前耶孃聽妾語耶孃之愛何敢逾妾心區區當鑒取  
妾心區區天可盟妾為郎婦身分明不能郎生妾先死  
忍因郎死偷妾生與郎不終始妾身尚何俟不得郎骨  
歸妾心猶狐疑沈沈白日鴝鷓啼黯黯夜色蝙蝠飛夢  
郎向妾笑如郎同居時夢郎向妾哭如憂出門無還期

夢郎三城歸黃金百笏青駟驪夢郎流落不得歸面目  
黧黑無完衣阿耶逼妾嫁朝呵暮罵相推靡阿孃逼妾  
嫁長荆短棘來鞭笞耶呵罵豈不恫孃鞭笞豈不痛思  
郎生死猶未明妾不輕生為郎重前門鳴烏鴉後門鵲  
聲喜烏鵲鴉何悲鵲何喜十月開梅花二月開桃李今年  
六月無荷菱蒲葦凋殘北風起見郎入門來見郎如夢  
裏視囊不得米視衣衣無襟馬死棄鞍轡蘭足徒步如  
炮燭顧彼腰下刀霽無光彩生愁露郎歸不止黃金千  
那願郎得千黃金記妾領中扣與郎量肥瘦記妾雙眉  
蛾為郎憔悴青不多為郎憔悴青不多郎真死矣還如

望郎下六句可節去後注

何望郎減光輝光輝不如金縷衣望郎苦顏色顏色不  
如玉條脫幸郎不斷宛轉腸佩之還似明月璫耶孃怨  
郎身手窮囚妾不使郎衾同生不同衾死同穴妾雖無  
言妾已決含笑語耶孃妾有五條脫亦有明月璫簇新  
金縷衣摺疊空竹箱為郎市賣贖郎罪抵郎歸有千金  
裝阿耶笑語妾還爾鴛鴦飛阿孃笑語妾看爾連理芙  
蓉枝鴛鴦遭網羅安能到頭白芙蓉經狂飈狂飈摧之  
易狼籍朱繩三尺垂不得高掛梧桐枝下有千丈池可  
惜池水多汙泥為郎置鴛酒鴛酒甘如飴但得生死常  
追隨此酒不減同心杯妾飲琉璃杯郎飲白玉琰以斧

為郎十字太率宜易去後注

斧木木不離以刀斷水水不斷同繭之絲不可翦同結  
之帶兩頭縮稽首謝阿耶阿耶不必悲咨嗟稽首辭阿  
孃阿孃不必中心傷有壻常貧賤有女不遂耶孃願但  
願耶孃壽考同百年郎死不值千黃金妾死不值黃金  
千西鄰來看妾密紉條條羅袴褶東鄰來看郎儀容皎  
皎明月光東鄰西鄰長歎息蝦蟆抱桂光采蝕朽鯁龍  
淵黜誰測東鄰西鄰語我前要我製作雙鳩篇天缺不  
得女媧補海缺不得精衛填聞我歌者當涕漣郎年二  
十妾十九郎姓黃妾姓柳郎搗春妾箕帚雙夫蓉何憫  
憫雙鴛鴦地下守朝打孔雀夜逐狗孔雀雌雄狗牝牡

天上所無陌路有陌路何能避  
槎杻聞我歌者淚一斗  
不譜吳箏譜燕缶

作歌贈韓式桐

老軍不能挽勁弦好女顏色爭少年春燈徹夜護桃李  
屋角秋樹誰相憐豈真努力忘及時髻絲聽爾秋風吹  
秋風吹髻髻絲落秋雨飄花花氣頽韓君五十不得第  
尚敢摩雲拓天勢家從別後已廿載途到窮時無一涕  
漫矜賈董擅文章誰信皋夔匿經濟莊蜨棲心真相遽  
晉馬驂塵極回喬遇我西巷頭邀我登酒樓佩帶有長  
劍可惜非純鈞自翻新曲彈瑩篴清氣颼颼來梧楸仰

看天半動鴻影鴻影遠落城南邱芳草不盡烟浮浮其  
下溝水東西流我猶未免生煩憂而君手拂白塵尾曼  
聲轉作紆徐謳皎如玉如立髯修修望者疑是神仙儔  
神仙不食玉皇俸須從猿鶴山中遊山中之人弗相顧  
揮之未路同閒鷗爾鷗飛飛且休春江英英蘋葉綠  
秋江芙蓉翦湘縠江魚如鍼菰米熟月渚星磯可棲宿  
爾誠為鷗我當驚養成白羽輕六銖浩蕩乾坤謝羈束  
君不見錦衣駟馬雲蓋車揚揚氣攝村侏儒功無可紀  
傳無書委蛻而逝神還虛聲名一瞥飄風徂君雖老矣  
歸有時必來求此將何需

遼女辭

遼東女子騎駱駝靈蛇四絡卷綠螺蠟花金綫壓繡領  
打墻能唱番兒歌香眉秀擷壺蘭峪纈眼春撩珠子河  
沙卑故宅籍作衛可憐骨肉誰郎哥有孃遠嫁烏蘇嘿  
阿耶充軍白都納冰天毳幕嫗如猴蝟刺當胸布斜搭  
魚刀六刃屠害羊搗血為膏注蠻榼五更起漉酥酪紅  
嫩手纖萋聽摧拉十三乞食倒馬關十四流落扶柳城  
過城楊柳二月青三家冷店無人停篝燈夜伴孤婦宿  
踏露晨隨煤鬼行紉花自護娼娼影把葯難言竈竈情  
繡豸軍門領半彙不惜千金為伊贖羅囊重拭檳榔珠

玉腕新承薏苡粥，媚喉轉葉冠。句驪趨足緣竿絕，獾鬻  
騎尉升堂摘印馳。崽子登車抱匱哭，嫁作斜巷輿人妻。  
乍可漆髮雙肩齊，媿院搗碓月脈脈。蟀床織布烟淒淒，  
遼陽北望揮鷓鴣。部落不見阿保機，四樓森森萬木葉。  
昨宵夢逐雌雄啼，嫁夫夫死身誰主。膜拜天魔學姪舞，  
釵排銀雁秘華粧。絲縛金蠶種愁盡，綠珠樓前桃葉雨。  
明妃塞外胭脂土，四絃在手鴛鴦槽。變調淒涼新樂府，  
淒涼變調遼女辭。聞者當為遼女悲，諾尼一水空西下。  
鐵背千山莽北迴，錦毛大馬賈胡店。鞞臂騎鷹遊俠兒，  
篋中那有閒纏錦。為爾春風媚及時。

迴思八章

迴思袖斧覓瓊柯，躑躅荒山遍。爵羅馬歷太行知，陸坦  
花經狂雨識風和。漸師素女譜丹鼎，莫悵黃姑隔絳河。  
但願廣寒八萬戶，清輝不蝕照姮娥。  
齋院何堪匿狗屠，可憐掣手碎珊瑚。悔將薄倖誣元稹，  
誤以狂且誦子都。好攝雲魂藏石櫛，重收月氣貯冰壺。  
怪伊碧眼匈奴客，酒鼻山尊飲酪酥。  
慚媿平輿沈下賢，風流猶問永和年。霜煤細撥烘花害，  
溼氣濃斟種玉田。已脫煞宮磨蝎命，枉拋禁院厭蛇錢。  
天孫難說裳無縫，紫鸞羅襦尺寸填。



夢踏沈香白下街  
選春尚佩牡丹牌  
玉山花悴成蕙綺  
金谷霜寒有凍荻  
願祝春霽消蜺劫  
敢燃祆火照狐骸  
蹴槃小試刑天舞  
溜損鬢龍髻一緇  
青蘂紛粧白蜺翔  
感甄詞賦太荒唐  
頻邀祕佛參靈咒  
擬拜飛仙乞壽方  
香界無塵遊翡翠  
天門如砥控駟黃  
况傳惡水潮驅鱷  
好俟空山石化羊  
畫篋春衫褪水滢  
照心愁拭虎符銅  
埋囚劍氣思雷煥  
入爨琴材感蔡羅  
幾打青禽傷比翼  
誰縑素繭辨同功  
衡湘客雁都歸去  
天末秋霞媚晚紅  
九道如繩大火流  
西風迢遞薜花秋  
侏儒邴解量天尺

沙漠原無望嶽樓  
誰遣范增重事楚  
須知李密早臣周  
微時犢鼻禪猶在  
悵矣臨卬賦白頭  
瀛臺花暖奏龍璫  
記與瓊蘭賭鳳袍  
苦渴暫消資魯酒  
辣腸快斷借并刀  
迎風楊柳無還絮  
馴渚鷓鴣有秃毛  
卻笑附羶猶蟻集  
眼看禍水汨天哉  
夏夜壺園飲餞長  
歌留別編修師並  
示同寓諸子  
得三十五韻  
鳳羽不綴綠玉琴  
春女但斲紅菴心  
天闔十二虎豹睡  
赤樹染遍珊瑚林  
鯁生無才出窮戶  
攀桃援李皆蕭穆  
醖粥淋漓頗矜飽  
沸藥瞑眩難救瘡  
單衣蒙頭走京洛

帚葉凋敝餘蹄泐苦騎矮馬覓黃蘗羞隨華帽驕朱綬  
市骨之臺今不築灑涕而泣烏乎禁妄導屈例拾香草  
古怨小續春蘭吟斜街樓閣極華綺挨燈送笑狐睇淫  
珠屏水膩薰晚麝雕槃玉坦堆秋檣佳朋聯袂造芳社  
每忘燭炮忘夕陰揚灰乍集鉤喙烏抽刀欲斲長鼻鱗  
蓬茅卷風蔽萬里坐疑海日埋愁靈閉關自怵學新婦  
裹腹誰辨雌雄妊堂皇大路守軌轍巨書座右清白箴  
由來憎謗起纖末使予動足深淵臨荊州匿愛入肝腑  
感通一氣逾磁鍼若蒙塵垢得湔洗空翠重見閨風岑  
程門喜作一年住窗駒過隙何駸駸維摩秘授大藏旨

上樂廣攝鈞天音陳書季子復遭黜危愁恍若雞窺埽  
官途楊樹老垂綠齊東大潦方積霖脂車在戶有畏色  
况其繫我哀情深滄浪舊約且弗說蓬萊宮闕愁日沈  
羣公顧視亦狼狽共舒手爪來結紵高筵六尺尚環坐  
聊拚歡樂觴同斟清颺蕩影四帷月疎篁修眇松鬱森  
膩苔微溥得清露踏枝來語雙么禽明嵐一抹照城草  
高雲空闊開吾襟明朝嶮徑試鈴鐸曉涼自夢蘆溝衾  
我歌能使唾壺碎拈衣攬袖空惓惓垂繅西序示圭式  
好資礮錯成天琛吾行言采北山蕨有懷或賦西歸鬻  
津門秋晚下瀨鯉錦絨與我書千金水荳蔻隴隔烟語

釣磯屋俯滄江得

瀛海驛為始皇求仙處

幻惑極所至搏土能黃金海雲在堂戶蓬萊或匪深六

王盡天札干戈已電掃阿房營未成白日照哀草下壽

無百年冕袞厭卑小混沌破晝夜九野飛蜉蝣往提崆

峒劍踏霧追青虬東王西母在荒落一勺滄波眼中涸

沙邱之魂猶未招封禪文章後且作

賦得大道柳八章

何處瑯琊宅驂騶古道開燕飛香水驛雁落尉佗臺客

倦驚飄梗江春憶早梅誰看夜深月照過漢營來

但有暮雲合更無幽鳥啼來時霜葉秃昨夜雨聲淒未

解分人恨何緣繫馬蹄關心湖水曲高與畫樓齊

底事斷人腸花飛滿店香烟譙吹鬢葉露草宿鴛鴦桃

葉江干楫羅敷陌上桑風華消歇盡莫此認橫塘

蕩子天涯別閨人日夕愁春風撩繡陌曉色倚粧樓錦

字緘方啟車輪行未休待須攀折寄清露泣先流

誰向西風裏來聞落葉聲清霜千里白瘦馬五更行况

有哀蟬語能無憶舊情只今好顏色尚使客愁生

公子雕鞍馬佳人檀板歌長安春色隔別夢感逾多寄

怨無蘭杜相思况綠波可堪斜日盡烟氣滿滄沱

垂垂千萬綠<sup>絲</sup>撩亂不分枝  
幽怨若為結春愁未慣持  
向誰博憐惜工爾舞腰支  
知否靈和殿風流異昔時  
壯得封侯色華旌夾路飛  
飄搖如儂苦含態亦相依  
繡谷多芳樹蓉湖有釣磯  
此行好風月還我薜蘿衣  
官湖醉歌示同行諸子  
微颺動陌禾黍颺柳絲  
短短白日長輕車聯轡走  
迤邐車中之人皆異鄉  
偷然水木開野莊簾檻下  
俯官湖涼五人七人齊  
卸裝瓦缶紛迷羅酒漿酒  
酣橫管歌激楚羣馬脫  
櫪尻首昂官湖百里流  
湯湯源通七埭趨呂梁  
淮流汴水互襟帶  
睢泗絡背如環牆  
芒龍碭虎昔興漢

王氣上鬱天門蒼麾戈血戰  
慘靈壁屠軍十萬輕牛羊  
烏江恥雪布越死剗削大命  
違天常歌風喘喋沒荒棘  
至今風慘雲不揚  
鬼埋狐死無遺當  
落日但有鷹隼翔  
居今悼古信何益  
且盡歡樂飛榴觴  
菰蒲匝岸起烟靄  
秋風未戰根已黃  
沙鳧渚鴨與閑散  
新蘋古藻紛色香  
草窗風格最閑雅  
謂周年岷昨行滋汶同勒  
疆驚沙驟雨各飄泊  
青燈襪被知何方  
魯潘二子亦奇特  
四農蘭岑於三日前湖  
青城玉壘才顏顏  
先驅三日走淮北美  
人秋水空相望  
安得聚首暢今會  
勿令離別增感傷  
眼中之人亦鴻燕  
後期南北還茫茫  
狼星照隘蹴孤騎  
鼉濤橫海飛危

檣古懷今意兩槃礴縱使有淚難成行祇須買棹走吳  
會直從揚水踰錢塘竿綸百尺釣蛟蜃寧羅作帶蓉為  
裳不然泛葉渡瀛弱驅叱朱鳥揮扶桑不知人世有歡  
怨奚論天地為參商高歌未竟竹欲裂四座錯愕咸驚  
狂鈴聲替戾上車去沙天浩瀚空夕陽

陽湖觀競渡

空江萬沫飛青雨白晝聞闐闐鉦鼓下流爭避龍船來  
一瀉飛翎脫雕弩龍領滉漾明月珠龍衣五綵垂流蘇  
豹麾勇鉞肅天仗蓋幡孔翠屏珊瑚翩翩畫槳打菱葉  
娟娟花竿驚鴨雛迴風細樂極宵眇袞旒絢飾尸童姝

江淮近俗效蠻粵如此窮飾他所無鴟夷流泊汨羅放  
二靈不死均與昏誰初淫祀據稗乘十姨五聖同訛誣  
五月五日入霉節一雨半月城郊蕪廛民拭目俟晴朗  
及晴闕市從嬉娛典衣鬻環助神醉租稅若可寬須臾  
君不聞黃流如海京門注河伯無靈老蛟怒郊水汙汙  
魚入門城雲慘慘鴉愁樹

阿李詩三十二韻

阿李李家子姓髯如老胡一生隨浪跡十歲隸官奴十  
二走西洛十三來北都華貂中貴裔細馬上方駒暮受  
巡邊印朝辭秘省廬叶姓名檔冊冠袍帶左驂俱善伺

能承目爭艱不愛軀明通燃怪燭凶銳辟蝗符密牘重  
緘授先程間道驅沿鄉豪橫子戢戢蝶愁蠹百縣貪婪  
吏紛紛鹿畏貙民皆傳有幸罪弗織無辜氣肅開秋翳  
聲廉仗褐徒薦之丞九品賞以橐千珠熟讀明心鑑羞  
交咋舌儒功名抒鬱勃榮寵及妻孥掃滌經年獄搜焚  
大澤逋守剛殊殉復褫職竟緣迂此後還真璞從前悔  
溫筭寸心參宵宵六合走躍躍問道崆峒氏談禪主客  
圖氣雄凌泰華毋爾蹴岷瀘地脈羅經辨天漿玉斗斛  
精靈能攝鬼勅勒善馴狐劍客資商劍壺公別抱壺鍊  
昨星共碧鍛骨鶴同臞醉便呵騎騎間頻狎販屠近年

將八十玩俗益癡愚富貴真優孟烟颺幾邁徂拍筵相  
論述擲筑為戲吁漫結鐵椎者同抽金僕姑寄言李阿  
李指爾盡夫夫

到家四章

歸人未敢喜居人未敢悲百端語何如默默還依依老  
親視我久驚我面目黧不言汝何瘦但言汝當饑蒸蒸  
香在孟晨飯方出炊筵隅侍親坐舉箸還鬱伊暗憐兩  
年客負此盤中蠶欲為廢箸歎恐動親心疑  
欲慰親心怡加飯努吾力回首見病妻牽兒出帷側如  
何憔悴容竟非昨所憶雙眉顰不舒知爾怨深抑耽我

身上衣昏澹有塵色如忘親在前低頭手相拭阿妹依  
母邊蓬粧未梳飾謂兄行路勞勞當暫眠息  
暫眠良自佳夢猶把江鶯頗驚蘆荻聲蕭蕭動窗竹兒  
來踞牀後以手捶我足自言讀毛詩近可國風熟阿妹  
同病妻並鏡理膏沐還看阿弟癡顛倒檢書麓清流多  
佳泉胡使出山濁高鴻防鍛羅梁燕謝榮辱  
梁燕語啾唧日暮聞叩門親鄰知我歸具酒相寒暄年  
華棄飄泊媿我心力存差幸家室安仰感皇天恩開軒  
話明月江氣激無雲北指車馬途斗下烟昏昏歸者意  
已適居者心已歡今夜眠雖遲各各安夢魂

宮井

再拜先皇帝下鑒臣妾心臣妾一蟻耳恩煦天日深阮  
劉債軍事偏地隨陸沈可憐女貞枝不宿東還禽紉我  
上命服整我初賜簪蜀魄啼秋霜未能寫以琴獨立雙  
髻峯遠望梅福岑龍子待屠劔白晝橫元霽俯照古井  
波萬仞秋嵐陰欲識誓志堅相彼銀牀砧凜凜義陽妃  
殉死良足欽危哉百鈞石而責一髮任冊誅與貞諡九  
原當涕淫蕭蕭十丈梧誰種鴛鴦林隆武悲短年緬甸  
空愁霖安得董氏狐合傳千秋枕煩冤錮黃土手指徒  
鍛金至今棠梨花碧血痕猶侵遺碑久荒棘衆壑環寄

峯乍有冥漠風開我懷古襟

容懷詩三章示別金廣文士奎厲山人志陳明經

福熙茂才登熙昆季

仰見天漢碧俯見海水黃誰憐志士心逼入千里霜窮  
行足未跛與世譏踉蹌落葉淤朽潭安用青綆長蒼苔  
一尺壁削面成大荒欲撫在几琴懼為悲風涼萬膝告  
秋穫雨足龍何驤抱卷樓牖中厲此精力強精力亦難  
時旅食鴻方翔

孤鴻影肅肅雕鶚來與欺恐爾病翼折肉且供餓鷓炯

然雙眼明密樹遙相期倦雁不出巢同命兩無疑懸學

餌之食賴有堅性持但求天不違甘坐黃雀癡當門犬  
如豹葦竹森藩籬絡繹陳筆樽為我慰調饑黃鞠未媚  
春何由居所奇乘醉揮白雲拂面多涼颼

涼颼滿襟帶可御蓬萊輶胡然君子心為我生煩憂且

騎大宛馬並轡南城頭萬山為芙蓉高擁金翠樓中有

玉女鬟俯避落日羞羣象耿元精蓄爾烟心秋洪波逝

不返未逝名當修昔年超覽堂淒已成荒邱此誓有神

鑒莫向行路謀區區一勺漿何補東方蚪歸矣明別君

別君歸且休倘遇黃石公招我重來遊

拊缶歌當行路難



縛雞乏力病臂苦丈八蛇矛看人舞昔年意氣摩太行  
攔醉當街恨無虎潛潛涕泗從何來滑伯肘柳成廢材  
讀書擊劍兩不就糟邱臥泣黃金臺邯鄲朱門盛羅綺  
紅女十三媚如水戮魂不仗并州刀縑絰妻孥哭奔市  
馬能蹶人失亦喜隙牖青天收萬里  
眼光如豆盲未盲耳塞自怨春無鶯阿瞞早死諸葛生  
定開龍漢雄西京功名易朽骨難朽龜年短促蟻年壽  
揚薪沸釜愁飲遲長夜添八更漏負恩不報天日瘦玉  
帝觀河驚面皺十二萬劫一刹那幾人解聽行樂歌有  
子桐栢妻姮娥不如買醉黃金多

玉笋飾冠榮右貂盤綬佩印蘭垂腰後車虎戟懸弓玳  
珠旗琴麗明月影豐頤長髯開府相禁城出入貴戚讓  
五侯閨讌巨鼎煬去肅衛譙門偕天仗娛光盪醉魂未  
安飛刃三更入羅帳濃春盞燈婀娜花屏風對面山槎  
枿石崇王愷乏生友寵妾青衣勸人酒  
耕父沈溺野仲殪帽漉屠蘇飲元吉曼曼秉燭長夜游  
暖暖欲倦頻遲留青春未闌人白頭祖宗騎馬兕豢牛  
畫桃十丈堂下樹可伶移種邛山陬邛山陰陰多柘楸  
餓魂黑夜追鷓鴣鷓鴣一聲亂葉落西市磨刀方霍霍西市  
磨刀東市樂醉券千田注孤博

奉君上座踰稽首暫撤金壘傳玉斗走卒報決瓠子河  
碣石不塞滔天波束衣下堂急呼馬櫺鼓傳兵鼓聲啞  
守門蒼頭似飛者挽弓射鼃水為楮河平折箭歸課農  
辭詔不肯官令公出入樓背行扶童自言病廢當稱翁  
願身長壽年長豐子孫飽煖長無窮  
五圖爛熟龍躡書唾棄莊老焚陰符崆峒上藥餌瓊蕊  
煉成九炁遊玉虛少君藥大隸煙客妻殞兒亡歸不得  
元羅日沈忉利夕桃底朱霞染晶魄魄不下墮魂不升  
西風一葉空中行寄無所住悲填膺枯嘯裂作春雷聲  
春雷淵淵萬蟄出蝴蝶魂愁海棠月

蜀山礲确累趺行何當剗削招五丁縛身世網弗愁隘  
螻蟻循庭怨荒大翠綾鳴玉樓編蓬末班事主難為忠  
黃牛赤驥士同阜鮑魚強奪芳蘭風髓鮑囊狗不得阻  
遂使孤豚來咋虎不如徐幹棄其實處子猶能潔身老  
緯蕭河上堪不飢可伶李廣嗟數奇  
大對不得董仲舒馬揚散散羞小儒升堂執經稱弟子  
苦立額門爭姓氏天老地典今已亡但留蕪穢充膝囊  
何人銳筆斷元氣眼中光景供凋傷有書如山積不讀  
繞壁啁啾古魂哭袒衣便便大賈腹中有肥腸貯魚肉  
魚肉日饜身日肥彼咕嗶者空論癡

山塘深夜

更無窈窕麗人行，但有闌干北斗橫。  
天末酒醒愁柳永，江南花落感蘭成。  
舵樓畫榻吹鬟語，水榭涼鐙送笛聲。  
香霧如紗籠不遍，一雙纖翠避棲鶯。

過徐氏園桂馨閣即景成歌

洞房窈窕雲母屏，新葉密拭琉璃青。  
窄襟暗媚葉叢燕，脆語偷洩花梢鶯。  
花梢暖日一抹橫，闌干在底烟自冥。  
燕外風飄水沈氣，鶯邊人唱山香聲。  
金釵玉璫廊上下，蝴蝶隨之飛不停。  
我來獨倚最高閣，繞閣萬篠春翠晴。  
雙桐出篠一千尺，其高遠頡閼門城根。  
酒樓客眼醉

望疑霞色蒼無賴，誰知頰紅爛霞色。  
勻藥下布瓊鞋英，妙結古豔寫羣怨。  
別含春緒芳余情，壁間畫柱銀雁箏。  
靜息中抱秋潭泓，欲將余情寄挑撥。  
恐撩羣怨來糾縈，江山千里極駘蕩。  
蕩為此閣簾波清，重簷複路一切綠。  
隔波搖漾成離蘅，波影容裔人娉婷。  
頗疑帝子狎湘女，九華鳳扇交霓旌。  
落日過牆天晚晶，鄰菴乍有疎鐘鳴。  
鐘催車馬六街散，月出樓臺百丈渟。  
我亦歸去園門扃，孳痕滿徑飄露星。  
露宿松色蘚相媚，星榭鶴語琴能聽。  
陸璣過寓齋談次示丙申見懷五律四章依韻奉

答

一撒塵駒轡關門守谷神須知千載上儘有不傳人定  
月高輝滿虛天旦氣真莫憑桃李豔狼藉錦江春  
世久供君玩胡能結習忘鐵簫歌定子綺石拜元章醉  
眼相看白河流不盡黃絃聲憐已澀為爾一更張  
偶彈清夜淚頗憶素心知樽酒看天遠深山出夢遲殘  
燈搖短榻獨爾引長絲那分滄洲雁親傳寄遠詩  
空山風雨約萬古定何年清淨為初地洪荒已後天他  
鄉今日事小結大生緣願戢醯雞舞從吾甕底眠  
孃孃篇三章  
冉冉雲轡孃孃天孫涼夜何俟裴哀於門纖眉畫黛春

月初痕銖衣六褶蕩為水紋怨之偶露意識所存瓠懸  
管棄鬱兮誰論  
冰綃如烟斜月橫枕綠鬟乍低欲墮釵影倦睽不舒若  
醉方醒流媚百端變之俄頃疏柳在簾鶯語初靜下有  
闌干露華苔冷  
情好蘊結外動若疎流神忽觸味之有餘水平烟靜朗  
見芙蕖遊颺遠汎得香自虛夕霜涼實惻惻感予載歌  
紈扇攬子之祛  
題韋光載在山草堂圖即贈  
阱虎不肉氣疲餒縛馬芻槽負韉轡丈夫生命稟素賤

何益千秋姓名貴二何山人左司後得氣於古殊近才  
骨相柱石海門立神光洞月天脇開醫經樞素詩甫白  
緯以方寸織鉅該黃金如磔滿天地連雲但築歌舞臺  
十年貞守美人老顏色在鏡生慘哀飄然引去謝塵市  
綺角精靈通尺咫且安榛棘巢鸞鶴未厭牢欄溷羊豕  
峯巒擁髻皆面樓門前汪水日夕流荒蘿罽徑遁山鬼  
怪樹偃壁文文蚪種花蔣藥有經濟擁書席畫無王侯  
往來自聽友朋樂飢寒且諉妻孥愁太陰餌髓飽真液  
鹿廬百鍊非良鈞昔年風雨蕭蕭寺匝地桐陰礪秋翠  
高樽華燭坐瞬息七載離心俱夢寐晚鐘一聲南雁落

把臂重逢此高閣僊僊道氣挹逾古絕俗鋒稜自寒暑  
依蒲借鉢論身世汎浪萍根各無著瘴木露草瀾淫淫  
寸土與潔天之心君毋改志出山濁我將歸遁烟海深  
蛟龍迴護安期宅門外種苔積如鐵何當與子結鄰居  
手斧桃花煑白石

前有一樽酒行

飛絮不怨春意薄落花不隨流水深一杯酒作千回斟  
風來動月波生襟襟波滌滌眼波媚好風催醒月催醉  
欲醉未醉歌未闌風隨潮去月落山裊裊不歸復何俟  
弱質能勝幾回死

扇影詞三十八章

黛石藍脂畫不如嬌啼宛轉掌中軀  
十三年紀鷓鬟綠  
莫是燕京李夜珠  
菡萏心情豆蔻年春波如醪照蟬媽停驂一顧鳴珂曲  
可有他時汧國緣  
香桃作骨瘦難支倩女春魂弱自持枕角斷紅收不盡  
藥煙茶氣繚絲絲  
黛色分鈿秀可餐暗芬融息似春蘭玉鞋緊抱香心露  
著意遲開怕早殘  
遊戲天仙謫上京不從花婉借棋枰袒衣醉打關西馬

密院三更有笑聲  
玉蕊無言耀遠春東風一笑賭千緡倘翻瑟瑟屏風譜  
先寫溫肌小鬢人  
病裏啣魚肺不涼慵來小髻攤愁粧玉壺一勺靈芸唾  
應有仙壇紫柰香  
珊珊瑟瑟佩明璫可是珠簾第四孃一襲青黃魚子纈  
東風吹作杜蘅香  
慣噓蘭息裊瓊蕤動若癡迷靜若思墮絮尚容流水蕩  
難禁風力是游絲  
一桁蝦鬚率地垂病痕疏到遠山眉經秋顏色黃如菊

絕似當年金樹兒  
龍薰雪色漾冰紗  
忍向蕃釐問舊家  
不醒阿麼胡蝶夢  
玉真偷過隔江花  
彩雲小隊壓天魔  
瘦影春鴻掠月過  
敢似櫻桃饒石虎  
帳中倒授有金戈  
翠地猩紅耀錦裾  
豐肌灼灼照芙蓉  
掌中難覓昭陽燕  
怪底劉宮嬖媚猪  
晚翠風神劇曼殊  
彩煙翠水合歡襦  
結禱尚未逢張四  
敢效酸齋誚買奴  
錦麓冰瓜養睡初  
月牙橫几倦晨梳  
綠翹早嫁徐君蒨

定壓繁華北路魚  
織蕊梳花願已違  
宮聲顛倒十三歲  
不聽落葉迴風曲  
猶道江南燕尚飛  
錦筵夫容四幕花  
密樓藻井一層紗  
淒然擁髻樊通德  
坐對伶元說趙家  
紅闌宛轉段家橋  
媚向東風倚病腰  
側鬢西冷看山色  
水蒨花影上春綃  
暗迴微睜瞽狸奴  
絕妙紅閨午倦圖  
還惜畫樓羅帳底  
昏燈照夢落春蕪  
玉綃鳳袖手親裁  
弱夢隨雲倘夜來  
一樹辛夷金綫卷

垂花門角有蒼苔  
分明舊淚污重茵  
轉覺相逢一笑親  
博士不來中瓦住  
師師門巷恐無人  
手捉楊花怨薄情  
兒孃生小住州城  
春江一舸辭家去  
兩岸黃鸝與送行  
慣將笑眼送流雲  
倦靨微紅似薄醺  
江上芙蓉烟水闊  
有人枕瑟夢湘君  
褪盡湘枕春不妍  
碧蘿門巷有殘煙  
西風入夜燈如豆  
只攤寒衾聽杜鵑  
無雙國色楚蓮香  
細擷煙絲織藕裳  
記得櫻桃明月底

醉翻花影捉迷藏  
監酒司枰事事宜  
笑翻新語論蛾眉  
太冲著作驚天下  
但遜安仁玉樣姿  
羞解羅襦搭畫窗  
玉蟲遙夜媚銀缸  
阿誰手挽波斯女  
醉裏看陳大體雙  
鏡裏花光慘不紅  
疏燈滋味問誰同  
可憐一翦秋孃鬢  
吹向飄蕭落葉風  
暢好燈初酒半時  
十三箏柱籠紅絲  
湘花湘草飄零盡  
留得殘雲護竹枝  
天寒補屋苦牽蘿  
舊袂香痕已未多  
嫁與東鄰沈和甫



一生受用是清歌  
舊時簾幙只鴛眠  
打槩東歸已隔年  
聞說語兒亭畔柳  
丰姿瘦似顧娟娟  
輕煙散盡夢無多  
六幅文疏抵絳河  
知否周家紅藕婢  
至今能唱洞仙歌  
自掃楊花葬蝶裙  
篝蘭誰與夜深薰  
眼看江水成秋色  
吹到魚鱗是斷雲  
最宜簪菊一枝斜  
石翠秋衣織鳳花  
應是老蓮紈扇本  
獨含古媚掃凡華  
記從漢上別晨煙  
悵絕雲英玉臼緣  
夜雨打池荷盡折

不留片葉護鴛眠  
羅薦秋涼染碧埃  
夕雲不卷秦娥臺  
蘭苔枯盡葳蕤葉  
賸有啼姑弔月來  
夢魂不傍漢宮遊  
約畧明妃塞外愁  
關雁一聲沙草白  
起彈銀撥唱涼州  
暖翠琵琶玉叵羅  
十年曾此聽清歌  
貼屏一褶鴛鴦被  
知有涼燈照斷荷

山塘花神廟觀祭代迎送神辭

娛良儷  
粲明穹  
陰禮具  
陽澤豐  
大厥造化者  
工浹氤氳  
類誠哀  
涖咫尺  
詎夢夢  
司鋤媿  
執灌翁  
潔中穉  
羌來同

墀下鞞楣上硤藻網翠椒楸紅樽承紺柄偃彤牖四八  
星辰通複以道阿房虹袞以廊連樓驄翼如砥冒如幪  
堂玉照城金墉百級遞闕重重綵脩藹神所宮週步障  
惟檉桐冠五偉秦壇松森靈衛雲鬱蔥神播璧儀妙丰  
兜率佛瓔珞胷女姺女童嬰童司簡塵左右從侍十二  
時與調徒紅翩驚鴻婉游龍威宜南施非東左思妹貴  
嬪封上宮女隸昭容為妾素為倡穠為尹邢大小馮兔  
撲朔雌偶雄張之柳謝之蓉芳蘭吹競體風的蓮跗殆  
昌宗流眄交媚融融揚暉笑秘雲蹴絳愁悅羣嫫供馳  
百蕩魂惺忪嗟此豸洵古媿膺職守廡祀崇酒既噉神

來憑切蔚風猩白脣駝紫峯縷吳切滑湘茸佐齊醅菜及  
豐植柳糝簋有饒期飽福御毋恫樂既奏神來悰緼疏  
瑟簾護鐘排笙翅參差筩含啣喁茹嗜噉無射正大呂  
中愜竊聽汎亂終舞既侑神來雖灑夔狝師巴賈普靡  
蕤珩瓏璫橫桂綢芭相縱六翟眩兩垂慵歸行部銘肅  
恭迺序齒戒紛唳齊鞠臈抱愚恣虔祝告期聽聰伊朱  
門敬戟種方丈讌儼王公明月林珊瑚扛結麝蘇藐蘅  
泣驕九錫寵華禮洛陽侯貶附庸幻頃刻珠滿籠惟爾  
神相折衝伊畫樓嬋娟窗蛾眉輝矜無雙餐豆蔻枕水  
漢丁香囊牢繫絨怨溜釵晨鬟鬆矜插戴背殘釭奈何

燕可憐蟲惟爾神相薰醲伊酒人木蘭艘伊公子桃花  
駿帽彈絮衫翦淞打鴛鴦呼觸鱖江南春采采楊叛兒  
淒淒儂慰將離狎乍逢惟爾神相突撞爾神來波瑋攢  
翡翠翎颭幡幢爾神止暘曠曠邀蜜官繫香髮爾神去  
飈空怒迭蕩蕩天門翽胡然升而鳴麗胡然降而蔥龍  
臣不才慚昧蒙敢作詩陳芝房符風朝扶桑夕崆峒協  
萃冕宣豫功太平鼓鳴逢逢億萬年春無窮

柳枝曲二章

水雲如雪堆滿窗柳枝搖空鶯一隻桃根隔屏墮團扇  
蝴蝶催歌拍箏面亭亭繡骨削玉荷疏鬟不整煙斜拖

深杯醉人明昧語四壁花聲弄微雨有情無情誰得知  
遊絲暗裊魂逶遲

月眉挂樓遠山夕蕉簟微涼卷秋碧約燈風軟宜洞簫  
春棠吹影紅生潮薄衾麝氣都成水香海無邊夢潛委  
畫漪拓掌鴛鴦行輕絮一層花一層歡深歡淺誰能料  
芳草年華怯斜照

夜宴青鷗水榭聽八琵琶合奏月兒高曲

樓臺不暝煙作漪藻香滿郭蘿屏低美人亭亭隔荷葉  
衫光拂拂當楊枝金尊酒滿客初醉夜渚月明鷗鷺睡  
江遠星稀思雁翔風靜窗疎看螢墜羅紈接座含迴情

斜柱十三抽鈿箏一人一曲遞相奏誰拚默坐終宵聽  
三十二絃八十指折軸量聲互停止侍酒鴉童神若癡  
貼壁蛾兒氣先死教師點拍絃始鳴推宮卻羽歸一聲  
濫響齊抹白翎雀乳舌乍調黃毛鶯縷縷絲絲經緯析  
琤琤琮琤玉泉滴緩忽相追忙轉閒動與依依靜脈脈  
東筵西筵平睇交高燈下燈遊絲飄吹雲過肩各翻袖  
抱瓊置膝都齊腰紅桂金魚脫宮鎖憔悴嬋娟委秋鬢  
仙臺潑露么鳳啼闊海霏塵素鸞彈凌波欲來猶未來  
百迴搖曳空青開沈思及細倏如會纏愁漸緊難容倩  
此曲生平吾聽寡何料當前盡能者生憐粉黛彫尹邢

一例文章誤董賈手持大白重酌斟翠簾半下涼沈沈  
湖心西寺送鐘梵城眉北斗橫瑤簪山川寥寥渡無鵲  
水天迢迢夢須鶴有技若此神乎神今夕之遊樂莫樂  
夜坐獨酌作三章

李白已逝無酒人桃花落盡無陽春三更雨裏一杯坐  
萬戶酣眠獨醒我醉還續燭三寸長牀頭灼灼吹劍光  
狂歌不得真宰聽文字存亡亦關命何如入市從屠沽  
埋名飽煖真丈夫  
癡童搥牀夢中哭日飽三餐那知福芭蕉葉大來戰風  
意何未滿爭雌雄我能和汝蒼玉笛恐使孤猿墮淒魄

醉中心事如海濤風頭愈過激愈高美人弄花滿城闕  
今夕胡為不明月  
朱門挾瑟多瞽師成連獨調宜違時天雲湖流兩琴寂  
酒角殘燈對星碧樓上軋軋烏鴉飛樓下喔喔黃雞啼  
樓中酒人炯無睡一寸清明萬金貴百年一夕誰短長  
梟獍不入華昏鄉  
葑門水亭觀荷四章  
避暑陂塘曉放舟滿田十頃足勾留深含秋意難為月  
低抹雲痕不到樓萬葉涼紈人卻扇一生清夢我慚鷗  
移橈喜傍漁臺住坐與兒童試釣鉤

錦帆夜讌憶西施紅麝宮人踏漿遲細骨難扶生恐醉  
薄鉛易褪可憐姿暗將宿露收茶銚略有微波汎瑟絲  
舞袖何從徵白紵且庖銀鱠坐芳卮  
一鏡晴漪漾軟羅傾脂莫問舊時河橫橋斷處沽帘出  
畫閣明邊鬢影多可惜鴛鴦無次第儘渠楊柳自婆婆  
羅裳翠帶翠誰家子置葦蘋陰枕綠哦  
碧城上界住宜仙那得微之話水天菱泖鳴榔三婦曲  
花觚遞酒六孃船疏煙靜箔捎孤翠暮日遙山送一蟬  
小醉添衣歸亦好香風如櫛玉垂船  
燈船辭

舵樓木蘭舳沙棠四思玉柱銀鵝肪闌干八摺玻璃障  
糾纏軟碧撓流黃船頭紅錦披旗槍牡丹壓繡幺鳳翔  
船尾列甕花兩行窄簾齒齒如排簧船身丈八華池方  
梁恩窈窕開洞房盧家玳瑁文杏梁燕子交織蜘蛛采  
高燈低燈圓荷裝大小三百承以鞦韆珠上揜牽牛芒  
靈犀下發龍宮光湖不得月天難霜山無黯霽波無涼  
畫橋斟酌春未央韵心並坐宜鴛鴦歌船酒船環一塘  
船為亭榭塘為廊明渠咫尺通星潢誰從白地傾紅牆  
芙蓉勻藥東西廂蜜蜂銜尾蝴蝶狂洞庭海南羅妙香  
荃蘅蕓蕙皆庸芳邯鄲下蔡名都倡桃葉竹枝杜韋孃

飛鸞釵髻麻姑裳步搖瑟瑟垂襖襠非瓊非翠非明璫  
鈎新索異窮飾粧挨聲噤噤搜宮商笛孔自小箏絃長  
揜迴紈扇拈帶囊吐納豆蔻含檳榔就中慘綠人六郎  
結羣三五來周章匝船十二屏風張宮槃雞筍官厨羊  
玫瑰軟具鴛粟漿雉臬喝門崑崙觴神女出洛靈妃湘  
控扼巫峽摩高唐魄能捉搦魂迷藏魔軍狐陣相敵當  
萬千遊俠爭一場男眉女目勾狎忙烘嬌炙媚無隄防  
要使羣眼饒兩旁失心奚止羞恥亡一船一夕兼金償  
百船百夕誰料量向東逝水流湯湯鷓鴣飄雨鴉斜陽  
繁華世界溫柔鄉青年灰燼白日場泡形幻影馳雷碾

來時歡悅歸淒傷直從夢底翻蒿邱豈真結病深膏盲  
名醫莫索扁與倉君不見有儒破屋陳縹緗有婦蓬髮  
持蠶筐夜膏不繼還然糠明朝空釜愁無糧

天餉行

吳俗畏神逾畏官恐益冥謹違神歡天餉之制肇何自  
遵為歲例長不刊道人絳袍七葉冠執符來自三茅壇  
稽查口數造編冊量貧酌富求疵癘村坊有首巷有長  
各司其地催納完楮皮市價同羅紈金模銀範高堆槃  
分頭齊赴社神廟稽顙焚告歡聲攢靈車隱隱天門端  
華旗五大螭虬蟠真皇撚鬚降顏色空煙迴舞雙青鸞

畝牛庖鹿迎上鑿琢玉為俎珍珠簞燭屏華茵交紅珊  
香球百絡芙蓉搏覲姑鳴蠡喚陰月朝天狐髻新鬖鬖  
咒辭秘密無謔調似為民白精力殫錫之飽煖常平安  
災無焚溺無兇奸或作狡獪藐科律遲迴抽減來觸擘  
火犀赤眼透九井呼吸不得雷霆瞞女青執筆驅穉狂  
沉犁五獄刀嶮玩藉爾家室戮爾嗣幽囚骨肉誅心肝  
斯民乃懼乃懲戒低聲唯唯容淒寒擔筐挾錕恐人後  
擠肩狹路爭蒿謹其匱乏者窮謀鑽典物驚器忘衣餐  
一傳萬闕蔽城市若狂若醉無從攔道人豐頤垂兩髧  
弟子執拂童司擊巍巍紫館壓朱邱洞庭八牖環明齋

暮擁勺藥朝斟醴醉騎銅虎摩琅玕千箱百斛均匪難  
 罪章詎惜功曹彈奈何當道瘡且督聽其妖惑民受剝  
 化工大造納羣有奚資瑣細彌歎單卓哉文正毀淫祀  
 整飭薄俗今所難何當痛洗真宰辱鞭龍遠吸崑崙瀾  
 東魏天平四年四面玉佛象詩為僧達受作  
 帝身捨佛史所無二法造孽安足辜法秀法慶也倘援太武  
 作龜鑑如何竟使臺城蕪斬家兄弟東魏產太平丁巳  
 始造軀銘云七世保如意下及存者頑祥俱皆象座所銘之辭  
 高徑周尺尺二寸量三寸羨其側隅一十四象佛菩薩  
 光明古月澄眉鬚糾修於頂妙華髻的皪在胸瓔珞珠

牟尼多寶梵天相端好不假銀泥塗土花澀縮抹烟色  
 井泉碎鬻苔痕枯誰將鸚鵡畫翎絲赭赭渲上紅粟膚  
 新安城中五明寺漸江遺墓梅花敷歙縣五明寺為太  
花老衲墓蓋即明季諸生江韜拔西湖詩僧老行腳來  
雍於此作僧名宏仁號漸江者歎包擔瞻浮屠銅龕香象秘塵滓網紗四胃青蜘蛛重  
 為拂拭出品采若揭龍鉢開明燭昨還吳下持示我六  
 十三言文非誣二千餘載幾兵燹此盟竟不金石渝永  
 平以來溺西教慈悲密咒頌鴻臚太和建德迭懲禁沙  
 門餘黨多伏誅李唐中葉復流布咸通速禍真堪虞其  
 中造象萬萬億如風卷礫飄矣徂幸存頑質免斯滅撫



摩亦足資閒娛謂宜戒勤供養彼倖福者毋乃愚僧  
今自喜肖其肖以印相印吾得吾塵塵刹刹妙解脫證  
逢於達真如如陳頤道為作記云造象者名逢受得三  
乘無等等諸默願刪偈辨防譎觚幻相必挂大千曉一  
彈指頃暘西晡樓臺烟雨六朝寺四百八十誰存乎與  
僧往剝綠扇葉膩堪飽腹名蹲鴟我還捕我水田蛤僧  
如不信投爾鋤鵠切錫  
楊山人鑄作畫梅仙歌見贈詩以答之  
冰雪不作六月涼俗心但憶桃李香行雲流水滿天地  
不知世事誰短長先生呼我為仙子知否人間春已死

春雖已死吾心生能攝春心到吾紙墨華暈作昏黃烟  
先生在側揮七絃一絃一聲一花白斗室環花山萬笏  
忽於絃尾聞鶴鳴鶴背高花動明月魄香如醴月可吞  
我畫之魄君詩魂蓬萊真人俯首避人天蠢蠢何足論  
虛空不礙長袖舞花底波濤走風雨風雨聲中萬夢漂  
夢見花梢玉鸞語  
贈劉山人咏之  
棲心絕庸想值骨稟至堅冶華返冲漠持素非徇偏錯  
龔師古哲瑣藝操其全高言發神采湛湛月在淵天門  
洞歲甦靈翮恣翔騫瑤花一為拂雲態皆仙仙吳江落

楓葉把袂秋風前形勝恨遲靚神淡殊暫緣肝膽尚中  
蓄已若交吐宣相如自潦倒宗之方少年不以桂薪溷  
乃蒙夔蛇憐源真無絕派江河亘大川日月倘與躡金  
石難自專何當共爐汞論道羅浮顛八景有遺錄腐牌  
非真詮

悔曾九章

磊落吾生少負才悔曾結客向燕臺纏頭壓馬聽歌去  
繡臂鞦鷹看獵來上谷流雲搖短袷大梁積雪照深杯  
誰憐俠想都消盡灑涕當風感鬱哀  
隋家烟月木蘭橈夢憶揚州廿四橋空傍玉鈎尋翠鈿

已無瓊樹狎紅簫莢灣鬲榜橫春絮瓜步颿燈送夕潮  
杜有羅襟啼點在不隨飛雁影同消  
丁巷辛街斷夕暉棗花飄落野菁肥五侯門第鶯難問  
六代江山燕已歸白紵春衫懷蔣捷玉紗畫幃怨崔徽  
自沈霞彩無消息瓜約萍期夢亦違  
晨星澹白曉烟黃賭酒臨安典鷓鴣醉裏夢遊羣玉府  
愁中春老鬱金堂風蟬小鬢橫銜見冰麝流蘇窳地香  
過眼漂零隨敗絮傷心老大嫁浮梁  
藕葉香疏到蕈心柳絲風緩過羅襟飛樓鷗語嬉涼翠  
鏡檻蛾眉妒遠岑儘有朝雲遮白日卻教春水冶黃金

那知酒醒桃根去，澱滿芙蓉有露侵。  
玉簪涼月小娟樓，明淥春烟薛素舟。  
悔使邯鄲嫁，斷養不教汧國寵。  
車騎四檐紅桂金，魚鎖一桁青山白鳳遊。  
何止茗甌風易落，難尋盼盼與柔柔。  
春到罌湖水似醺，湔衣人拜九孃墳。  
烟邊畫郭多新柳，天際橫闌有薄暉。  
車子六萌延鷗盼，侍兒雙髻媚蘭薰。  
未堪酒醒歌殘後，只聽漁榔唱暮雲。  
誰悟當場色亦空，漫精雕績惱天工。  
十三池館犀黃押，二十嬋娟翡翠籠。  
西曲未殘青杏月，北邙早颯白楊風。  
可憐炙腑荃蘅氣，收拾啼斑笑影中。

泥沙何怨玉何恩，種遍將離與合昏。  
露草原非蝴蝶窟，風花多是杜鵑魂。  
退紅滿篋留衫色，淒碧凝壺賸唾痕。  
幾見沈香無斷火，雙烟常裊博山溫。

同邱奉厲志飲韋君在山草堂聽其十三齡女公子韻覺彈琴

秋不在天地而在秋，士心秋士之心有萬籟。  
無所觸撥斯匿沈韋君坐我秋樹陰，古屋堆綠如暗岑。  
隔岑一角夕陽白照見玉猿斜睇，籐蘿深籐葉何修修。  
籐葉與娟娟玉猿矜媚姿，那知病康老天風為帚。  
几塵掃明月飛來入懷抱，月光迴掣紅桂枝。  
人間聽雨方暮時，空烟宵

眇千遊絲為誰織作冰綃衣秋心靜裏七絃八絃響輕  
挑秋籟出秋心含絮能蕩搖秋籟當梧極蕭瑟秋籟在  
指不在琴秋心在靜不在音楚國山川片雲住謝家庭  
院孤蛩吟厲君何感意昏惛竟說明朝要還越邱翁老  
矣何所思急斟佳酒浮滿卮我亦不能飲我亦不得歸  
我不必雙涕垂自覺掩掩抑抑中心悲悲不我解將怨  
誰怨其窈年娟處不識世間愁苦事何以一彈再弄直  
使六合無陽迴我詩未終曲已盡轉笑吾詩似螻蛄黛  
光照醉荷影圓霜氣生衫竹飈緊乳燕歸巢四幕懸醉  
看長空稍獨隼

自崑山至上海舟中得四言九章寄厲山人暨葉  
山人元階時厲君已還四明

驅雞逐狗日月負負客行在船讀書飲酒讀書數行飲  
酒一觴仰視天漢秋雲蒼蒼俯聽流水秋風湯湯念我  
故人迢迢曷止懷我室家蹙蹙靡已

蹙蹙靡已是用作歌精采云悴惶恤乎他世不殺我亦  
計之左溫飽痲心忝此重荷空山白雲中有美人不芟  
荆棘自高其門挈提千載而洒於文  
不惠不夷衆訾而疑舉世皆坦吾心獨戲吾心何戲惟  
戾於時阮籍一鷺嵇康一鶴雖有梧桐不登高閣

壯哉陳平肉宰天下藐然侏儒不能騎馬馬行千里人  
行百里食不藉耕笑者謙起陌路之交曷相兄弟  
玉山阿瑛已無一椽五葦如阜牛來競眠元運有復未  
敢咎天萬彙之陳更生代死蜉蝣一身遑論妻子周孔  
日遙莫或余俟  
皇輿太平身賤亦貴孰讀明堂以當颺對諸君正強當  
思有為為不在大亦不隕卑毋學羈人為人之羈為人  
之羈誰諒我非  
春行而南秋行而北何以鷓鴣有此健翼士有陶潛在  
吾目中尾不見首神天之龍龍而蠖屈未竟忘物帽蓆

衣蘿亦簪亦紱  
大年熟玉小年熟稻積金萬箱不值一草吾心尚孩吾  
眼已老海雲照廬但思歸早有舌吾兵有研吾耕舍此  
二者何以為生  
孰測吾來孰阻吾去但有賞心秘為隆遇擊汰千里不  
出地中涼能爽骨甯非好風好風吾從好雨隨下形迹  
雖睽氣可憑藉松柏內貞天不能謝  
西成橋大火泊脊門舟次作  
結闌殄天物屋氣早灰死白日聞鷓鴣鬼瞰匪今始冥  
怒無能回速亡直彈指漫矜厭讓虔例已費錢紙祝融

騎兩龍拉絃落橈矢毒霧生巉巖照耀百里紫如決瓠  
子河人力塞難止爛地焦牛毛魂魄不可理道旁慘哭  
人其心昨皆喜小劫開大祥積習賴摧靡嗟爾殃所及  
鯁羣豈無鯉存此無媿心尚堪挽瑣尾趨避計猶未剝  
復有庸理哀憫成此詩敢為袖手悱

洗甌圖歌為家明經文題

先生於古極嗜昨搜元鬻秘歸一藏燦燦棊席炫精彩  
龍鸞蟠翥紛紺黃掀髯踏坐狎周漢六費寶甌開華堂  
康瓠破罌掃塵芥熊麕獸鍍相焜煌膚爛耳蝕究毫芴  
紫深黍淺參權量攷工二黼內官省上甌下甌模範詳

脣以寸計厚減半足三或四羅圍方盤雲髮細裊扁鼎  
垂花而帶雷文相辨名鬻錡鼎斲鑿祖乙父己銘吉祥  
周畿漢輔久沿革土囚火劫金為殃越三千載拚明瑰  
翠紫斲鏞焦無光揮童役使刮浮垢銷淘瓮溢聲琅鏘  
金瓦易鑠醜亦賤只斯寶貴同球璋頓開冥閔顯鏤琢  
垂椒閃霍星鉤芒骨幹散瘦笑离末肉好屏列如環墻  
六時珠晷運甓赴五侯玉鯖列鼎嘗託諸圖績表中竺  
畸情匿緬非迂荒謁來贖器初銅賈旌人直遜陶樞強  
鄂部關陝托氏地優孟何啻土范當先生胸腑爛流派  
制度了晰同輿圖聽聲捫色誌盍錫祛疑衷信無惑惶

蟾烏磨拭少銍澀冶城孫積古阮遙頡頏南江邵疏證  
北平翁考但以恣肆爭文章惜哉同鑒寡錢十邢雨碧  
曠何論弇州王琳璆金薤春寶守千春萬祺貽無疆伊  
予好古有同癖對此眉舞心飛槍曾懷藻鏡照頡豔余藏  
有漢仙人蟪蛄長信鷓昭陽鎬兵梁燹鏢經黛仙人不  
老還迷茫讓君鍊網富珊樹太精四射湖鴛鴦頌款雅  
爵與華駁雙魚洗五鳳輒偕騰翔聚因所好君足樂覩  
不能辨吾誠儉北斗胡挹箕胡揚且選瓦缶饗酒漿  
同家鴻素萬同年潮泛舟南湖登烟雨樓  
斷蘆雜樹高下黃陰天渲色如夕陽遠風吹雲到湖水

水與雲凝去渟無光樓臺中渚烟荒荒烟蘿萬仞石作  
牆牆頭樓烏噤風至一飛羣逐雲頭槍水之所盡見孤  
塔卓出萬瓦城門當移舟就渚客緣岸導我曲折登樓  
望以樓繫塔樓還昂欲駕鼉勢凌八滄仙人鸞背玉簫  
斷有聲不斷漁舟榔人天浩瀚恍重歷昨宵有夢浮衡  
湘湘中之人善窈窕其貌冰雪蓉為裳招之或在君山  
陽君山不見見鴻翔鴻翔忽下覓樓宿客亦心動思故  
鄉虛鐘隱隱出遙寺勃我胸臆同激揚同儔促袂喚歸  
去留之亦得行亦強寒天垂水生夕蒼日不見落月滿  
塘天雲乍歛水轉白水田坼劃玻璃光二更月可照樓

檻茲樓曾倚人斷腸

江行

午日在天光在水風動如月流瑩瑩迴風掠山展雲勢  
近水尚白遙漸青青非山影是雲色漸改江波變深碧  
江水深碧天深藍盡處翻留四圍白白光平射江樹明  
江樹在水水轉滯其光在樹不在水離樹之水雲還冥  
冥冥水氣雜雲氣浩浩風聲催雨聲雲停未雨鳥先亂  
水去當風帆可行風從海朔到江上帆自循江下南渚  
西山忽展斜陽明照見東城此時雨

怨柳

柔枝婀娜稱春長不肯隨風向夕陽三月江南過三日  
含來薄絮待誰香

明與纏綿暗與愁最深江水最高樓江深卻照高樓影  
簾子沈沈不掛鉤

元夕吳閶紀遊詩

今夕何夕何以消我天涯愁攜客買醉城南樓巍巍中  
座客三五巨海傳斟氣吞虎座中顧老年八十醉經風

颯蒼髯舞長戟楊侯雅蔣侯仲濡首戰卷窄難兵手為

鐵裒鄂並騎軍後來丁澁松十决十盪重圍排我觀壁

上心神開醉且凭闌看明月八門萬瓦匝金碧天作冰



光地沙色  
若或遇之閨風臺瓊花作息虬為胎洞庭平掌高筵開  
玉琴一撫天風來仙蛾如雪匝行杯瑩篔小部列屏幃  
且歌且咽羞遲迴醉眠鶴背看塵宇萬夢如蟲月亭午  
月從天上照歌舞人自人間夢淒雨  
揚州四章  
日斜風緊下揚州曲港迴帆勁不收併少荒楊遮驛路  
尚聞哀角起城樓亂鴉如葉紛紛下遠岫疑烟黯黯浮  
漫為南朝揮涕淚當年金粉此荒邱  
隋家水調絕琵琶魏國屯軍散積沙地限不須論南北

民風漸已革浮華荼岡夜火誰傳獵瓜步春潮自送花  
六代雲烟空變幻孤城保衛極槎牙  
脣齒津梁同白下挈提衝要是朱方渠通甓社堪儲漲  
地拓平山擬種桑指北天艘勞浙運臨南關隘重江防  
應多善策師韓范但說風流笑謝王  
風宵推枕夢難安古事橫胸恣浩汗空有蕪城傳鮑照  
更無太守識秦觀驛西屯火孤星白天半霜鐘一擊寒  
江海浮名如許釣欲從龍伯乞鼇竿  
舊縣  
南限東平北荏平危巖九疊岫天成荒林烟葆當關立

怒馬風鬣奪隘行漫說投荒多苦客尚聞邏夜有官兵  
回看沙際斜陽色照見天邊一雁征聲荏仄

岔河

七縣星棋布呂梁雲龍蜿蚰昔封彭地迴西楚分睢泗  
山入東齊固嶧防謝壘屯軍餘草木漢家陵樹有風霜  
客來覽馬邳州道千里沙平落日黃

織紅曲聽女伎雙琵琶作

珠藤裊香石畫色舊濃翠柔風一縷薄颺之兩萼纖紅  
露春媚幕氈挂月紅燈高嶽色照杯青溶搖桃根姊妹  
並娟秀纈眸上醉生倦嬌風烟塞北嘗千苦宛轉偏能

作吳語如弄一手雙槽鳴百迴推卻無出聲客心如絲  
繞聲入客心自亂聲自清竅言窈笑若放誕不輕身許  
非寡情胭脂滿路紅心草蝴蝶無霜半黃老蒿地東風  
吹柳花依約江南夢痕小詰朝驅馬高唐州平沙落日  
空爾愁紅闌天際不可見一雁微茫下遠洲

雄縣

上谷雄開古易京瓦橋關勢極崢嶸蜚狐天塹窺遠險  
巨馬河流入代平遠日蘆溝明雁道西風蓼淀亂鳧聲  
伯才誰是公孫瓚弔古蒼涼賦北征

席上重遇錢郎

金烏不駐顏歡心亦何久神騏骨朽燕臺寒太僕圉人  
與哀首天街誰復屯雲車瑩瑩春月尋棗花香枝昔日  
杞離燕咿咿軋軋今啼鴉悲歌簾底淚成酒朔風天外  
烟盤沙錢郎弱冠冠羣玉哲面烏鬢秀堪琢弱體難禁  
綺羅重神光能使冰雪俗淡疑無影隔筵燭四壁飛塵  
變明淶城南萬柳開華堂西山入幕明夕陽當時橫管  
歌伊涼繞筵柳過聲不揚四月沈沈入霉雨五月六月  
荷花香七月哀草飛嚴霜牽牛在渚鴻南翔斷箋有字  
難成行朔雲如夢空鬱蒼今茲對酒歡亦傷垂楊春暮  
復已絮明日零落委道旁道旁靡蕪入天碧照映錢郎

好顏色東風自持已無力荏苒韶華爾自惜我將盪舟  
走溟渤安得御爾六銖之佩天孫裳從我三山訪黃石

薊門四章

薊門鬱巍巍中有千丈臺臺高見千里朔色三邊來城  
馬鬣枯草悲嘯雲為頽入夏尚臘色寒風莽盤迴凝之  
可冰阜散之成土灰以吾攬造物惻惻相與哀  
昆吾淬秋水咄咄光逼人願為飲血死安能屈其身俠  
士以氣抗志士以氣伸勁木能禦風搖蕩憐白雲長河  
與大海水一流則分河水可決塞海水常渾汙  
高堂方坐筵門外已月落冥隅外見聞乃平悲與樂誰

家盛歌舞華燈燦繡幕明日過其地花盡雨昏漢佩鈞  
感青朽怡然引孤酌一醉爽心神逍遙太虛鶴  
九達拓平闊不禁跛驢行過輪洶雲勢叱避知何情大  
夫難自白降為僕者輕何況車中子眉目驕所成讀書  
不濟賤榮貴能襲名我將投荒山而為菟裘營

尺五莊即事詩十二章

一綠淨無極入門神已移雨收醒樹色雲薄養天姿愛  
逕紆行屢看苔沉立遲蕩搖得晴致未忍拂遊絲  
背石出疎香紫藤花在牆襪披如舞鳳卻好媚斜陽下  
有一泓水上橫三尺梁落英微破處細細辨魚秧

元龍文譙地亂草過闌干春盡遊人少堂虛積氣寒深  
深塵榻在片片落花乾朋舊三年夢臨風獨岸冠  
南溆得空闊方亭俯碧流吹芬波是麴浴影客為鷗荷  
葉爭萍大蘆芽讓蕨抽此間無六月誰復抱琴遊  
老樹斫都盡春蕪鬱又鮮空青開燕道慘綠妬人年幽  
賞適微醉鄰園方盛筵東風吹邃至飛絮撲吾肩  
遺老何名姓荒墳屹瘦桐樓臺作酒市絃管與悲風時  
序信如駭滄桑安可窮故魂應尚活夜語月濛濛  
對閣西山色縈迴出樹來愁胸平與赴醉眼倦能開樽  
酒天涯會羣公作賦才恰如雲共鳥飄瞥過塵埃

張子傷心客許無端涕泗流望雲還遠嘯倚樹便低謳  
玉茗官如吏海黃門鬢已秋四風流看若許吾亦且歸  
休  
文舉無庸骨宥延陵正俊年軒輕衫飄薄雪高馬駐連  
錢舉手緣危約搜芳就綠烟惜時尋悅境幽致倍堪憐  
亦有崆崎者淮南一魯侯蘭興來凌土噉氣遠蓋雄州  
萬象入狂思孤心惜佩鉤謂當投草閣臥聽大河秋  
分襟彈指事不樂待如何各自看天晚無心戀鳥歌烟  
明帘側勢草軟地生波門外二千里風沙歸路多  
七人生異國後會料參差天地得今日吾難任酒卮垂

楊縈客眼苦念繫芳時上馬入城去宵當一夢之

答湯農部鵬三章

君年已四十盛名滿天下奇文兀胸鬱孤造鮮旁假星  
海洩天流萬里地中瀉摩盪日月色元氣極蒼赭京門  
三月晚佛樓建文社西山如劔鐔灼灼照杯筭憑闌吐  
長氣浩然去平野昂首見神駿金臺欲無馬息情通動  
止導和歸媿雅卓犖眼前得生平意中寡  
巢鳳在珠樹飢鸞下栖棘天毓異琦瑰默互恃靈息予  
生畏囚籠神駛八紘仄常悲冠帶流命世鮮高稷志赴  
時或奪蹇極賤為迫而君少翀舉造化與全力風稜峻

秋鏑侃侃赴其職遭忤不辭謹自盟見忠直勵慎往毋  
悔冠綬賴繩式文章為名郭未足競顏色  
足則豈傷璞相者自神眊以予區區誠舌敝未酬告萬  
鱗接崇閥容趾無寸奧明月作龍餌去且海東蹈所悲  
新相知如磁以針好百引偶合氣一瞬忽離貌今日跡  
所依明日夢或到人生幾握手元鬢變顏髦君夢倘余  
覓排浪向烟嶠亂鷓絡松蓋下有白猿嘯  
送張際亮之楚中  
蒼雲入海天路長征人登臺望故鄉故鄉千里歸未得  
怕看君車送君別去時春草何芳菲東風冉冉吹客衣

與君共酌市壚酒清歌如雪簫管催但覺金樽滿明月  
安知道路多斜暉以容送客心益悲君行此去還誰依  
鳳凰啄食逐鴻雁毛羽雖絢誰見希可憐貧賤各飄泊  
安見富貴無別離君才如馬氣如虎氣攝令人才薄古  
十年上客諸侯垂暮天涯尚孤苦謂將橐筆下南楚漢  
水渾渾亂山阻亂山不盡水更流黃鶴青天且高舞薊  
門木葉方未秋紛紛如此已可愁明朝我亦下江渚更  
讀君詩江上樓  
答孔比部贈別詩四章韻  
於事無可擔肩力聽其瘦但嫌捐繅歸未改面目舊孔

君相愛深兩腑早通究煦為無形春不假甕中耐托士  
同藉根松槿漫爭壽惟有若木枝子馬外羣構謝君折  
贈予以鞭牛馬走  
取反匪所難難此區區心相習亦不知一失安可尋引  
綆百尺長自及井水深迹近見尚踈曷由慰來今分風  
各勞燕摧惻吾何禁對面猶足歡未敢遽涕淫胡為尊  
前歌終有嗚咽音  
高城有大星獨曜天漢東下為梁父山雲氣青蓬蓬君  
家族其地守聖無變風努力矢此身天地運方中弗暱  
故紙堆汨此清明哀祭舌徒發華世耳聽誰聰樹業堪

銘蘆行為明堂鐘  
我如病羽鴻對此寥廓秋山川萬里風氣以呼吸求惜  
哉恣汗漫不得君同舟異年巡海來覓我壺山陬壺山  
不種桑曠古無沈浮當鍊五石堅與子名同留飢寒但  
傷體吾敢櫻其憂衆水歸一源誓彼黃河流  
哭徐編修師得短言二十八章拉雜寫哀不能成  
篇幅也又何暇於文  
卓卓天下師衆望之所式而天遽喪之豈惟吾道阨  
巖巖廟堂器當道之所期而天遽喪之豈獨吾黨悲  
昨夜占天星少微黯無光下視幃燈孤夫子病在牀

昨命我入室扶牀尚能起對我無一言但有淚瀾瀾  
欲知夫子言如我言在心以心證所言心在言已深  
夫子有言兮在我之心我有絃兮在夫子之琴  
琴之裂兮絃將曷附心之盡兮言將曷訴  
陳軾於除伊誰之車顧彼廐下伊誰之馬車之輪殆將  
摧為薪馬之躑躅兮哀嘶而吟呻  
言設於席誰之烏言架於椽誰之衣烏誰足之衣誰服  
之  
冕於恢闕極於閑雅夫子之文古之作者  
明可對君幽可對親夫子之行今之完人

矧志之潔蠲兮何負乎天亦履方而礪兮何罪乎地  
何罪乎地也生而屯遭何負乎天也而賊其年  
我述其哀兮而猶匪哀我舌已開入我心已摧  
不聞何在不摧何待予焉此身兮誰證千載  
舌聞何惜心摧何憾予焉此身兮往將誰監  
我裳敝兮夫子釋之我名卑兮夫子立之我容悴兮夫  
子拭之  
我何賢兮而蒙愛之私慰夫子之愛兮而已無其時  
慰夫子之愛兮而無其時負夫子之愛兮而又誰語之  
北風吹我衣入門見素幃哀哉天地中乃有今日期



遲疑復遲疑出門顧我影但願是夢中而期有時醒  
明明非夢我還入門白日滿地視之昏昏  
唯我友朋罔或不哀但聞慟聲不辨其誰  
非我友朋其哀亦慟不知我誰相對而共  
今其已矣明明將歸矣明明將歸矣我還來矣  
昔歸來別顏今歸來別棺今別來拜棺昨來猶拜顏  
猶幸來時生得與死時別和淚傾酒漿後當長決絕  
形雖決絕感無絕時感有絕時日月鑒之

南轅雜詩

上車且勿行下車還躊躇雲中五鳳樓中有天皇居貧

交半冠蓋光綵耀明珠明珠不照乘天馬悲且吁筋力  
委征邁眼前千里途千里弗復道往將安所娛  
車輪行且逝寸腑摧復殘陽暉懸太穹不照幽谷蘭南  
門鬱深翠夾樹風生湍送我無能留黯慘城西山浮名  
靡堅性天地吾蝸蠻剝落到顏色誰諒心力殫  
知交有新故相愛何淺深歡笑不敢涕恐傷行者心千  
言盡杯酒視我絃在琴廣土不平坦皇天上昭森生誰  
異晨夕山川無墮沈願葆龍虎息鍊汞非黃金  
聲伎甲上都歌舞連中宵峻氣結豪悅渴吻窮饕孤  
鷹振寥闊在掌空寶刀一醉未及醒几席生蓬蒿還覓

舊游地重闐如天高堂中月華綺門外風刁騷  
崇封昔將相今為居者田子孫已卑隸表字猶如椽  
斧及松枯涼陰愁夜鷓其下禾芄芄風色故相妍松枯  
無根株禾葉過人肩盛衰視氣化安問愚與賢  
驅馬入黃村破店覓初宿苑樹望猶見綿綿入烟綠苦  
心如斜暉暫戀轉淒獨淒獨誰為語揜帷就孤燭  
矣日燠平沙天容接枯槁委懷順時化吾敢怨大造勞  
馬就涼陰低嘶藉林草明知苦羈縛安能謝芻藁南風  
陟地來濃翠颯如掃拂我衣袂塵得涼暫亦好  
巨馬亘代河督亢絡其脊宋遼古犄角天塹險中畫淤

沙壅支水赤土似田圻石齒露稜稜猶作戰骨白驅渡  
極百危搖搖悸心魄荒茹啖哀切前城復垂夕  
三日逼炎酷軀殼豈堅金漸覺喘息苦紆促難為吟里  
居憶曩昔荻柳滄江潯平綠散蛙語高涼怡蟬音葛巾  
弄橫笛馬有塵氛侵性命試道路來去知何心山城四  
千里海雁香且沈遙遙望前路得歸愁轉深  
易城如土墻偃地色黃赭諸淀歸一河瀾瀾匝其下督  
灌昧良策隴麥瘦難把邏樓息遊丐軌道據營馬老稚  
無完善蚩蚩散郊野衝都異窮阨生機望猶寡守吏吾  
知誰深堂自杯羹

同行一莊叟年已七十強老眼熟狐鬼寸腑鬱雨霜一  
年兩南北鴻燕偕迴翔謂無賢子孫朽骨任異鄉相憐  
以杯酒醉嘯聲激昂北斗在檐近照見鬚蒼蒼  
鱗雲送斜月天色如卵青出門向南睇一往清虛橫浮  
浮七二沽遞唱多漁舫水蘆拓新碧夜色翻白晶檉楊  
互縈曳鷗鷺昏潛冥偶吹霏霏烟時露星星螢滌盪了  
無滓入胸何淅淅橫簫自怡悅噓此天籟清  
大堤馳駿馬腦後風影纓雕矢未離箬掠面過巨鷹迴  
縵忽斜縱沙石翻雷聲電眸瞬一瞥灑手毛血腥脫然  
去如兔坳野還肅清愁雲空崢嶸落日沈冥冥

田莊闢古道厓斤何嶙峋大木蔭十畝穴居相比鄰牛  
羊溷牀薦相依如所親謂將賴孳息且足分劬勤荒歉  
偶不繼貴畜還賤身補救得其偏蒼昊奚非仁蒿目吾  
何辭是亦天生民  
二鼓黃壘堡三鼓香城村旋風颭輪角沙葉為蔽昏大  
河莽東注石牖西營屯奔蹄不受役縱性投汙渾巡卒  
互譏盜擊柝催閉門卷火漸稀滅防肅及犬豚居常慎  
動止一息堪自捫麟虎各山藪於我何仇恩  
青蠅如讒人聲柔毒在腑勞揮慮狎近粹已中其蠱客  
行鮮安止假寐亦煩苦誰家密臺榭冰雪作閨堵萬菑

照波靚雙鴻浴烟無一醉愁夜短一歌忘日午  
積鳥下西海流雲入關黑過耳鱗鱗聲風吹忽向北黃  
旗飄大字餉吏有驕色沿縣苛衛防金珠夜中弋私橐  
蔽公察夫運委駝力通達無碍轍吐吐故前逼棄費可  
萬緡上無寸銖得蒙匿成具文誰哉量盈蝕  
巍巍日華宮金臺遠相埒樽酒服羣士獻王亦人傑文  
章久輕賤吾匪鈍喉舌陂池不納鷗天海自空闊伯樂  
果生世眼中幾騏骨牻柯一千仞撐胸苦峻兀  
朝行覓村食暮行投市眠行程已渺渺望家猶懸懸傳  
侶素所昧忽與同車旋在途各為客爾我心難言沙平

夜光白地氣高浮天昔來復今往歷歷齊與燕  
都中二三子置酒城東堂念我苦行役望野籌矣涼城  
高阻不見但見浮青蒼月出照汝酒亦來照我裳片雲  
逐風去吹落君之旁一雁忽南來送我車行將  
寄書謝羣公別言媿深受仍以落寞歸報荅復何有恒  
河千億中圍聚詎微偶要使无會永望今識良友文字  
等積塵性在乃非苟銘此金石堅身外孰臧否叶  
夕發婆羅店曉涉滹沱河東鳥躍初赤血色渾盤渦衝  
搖野麥盡狼藉沙萋多危梁下天雁掠影如投梭白溝  
互通洩其委桑乾摩上谷塞海戶千古揚顏波我馬就

淤淺呼吸通  
龜巖冬厲冰  
雪險慄還如  
何窮行三十  
里絕坂無人  
家荒犬語信  
信餓烏啼啞  
啞月尚雲頭  
飄雨已在沙  
沙雨向東捲  
掠地西風斜  
風來吹客心  
客心同楊花  
撩亂不可撲  
結之還如麻  
客子日望家  
家亦望行客  
且知客將返  
天長昧消息  
客心日近南  
憶客猶向北  
有書或南來  
客已在行役  
燕齊連晚雲  
氣入吳越夕  
日落易水黃  
月出海門白  
驛楊何娟好  
昔往猶未青  
轉愁客歸後  
西風來汝零  
西風吹汝落  
東風吹汝生  
再來撫此樹  
客鬢應星星  
韶華受馳逐  
豈以完令名  
生當盡所勉  
枯苑安足爭

出門負友朋  
入門媿妻子  
親年且垂髦  
悠悠我安恃  
塵土充須彌  
不能塞河水  
一飽尚洪湏  
千秋况青史  
勿為盜跖生  
願為首陽死  
未來不可知  
往者已如此  
邵洪古郵驛  
庭樹陰頗濃  
憇午具樽酒  
絮碎陳瓜蔥  
薄酣面垌野  
枯草無春冬  
燕雀側飢羽  
下上聲喁喁  
風來極紆鬱  
熱垢相和融  
村民集者婦  
蹙頰鮮悅容  
一春斷膏雨  
有力難播春  
昨夜占畢星  
月角光熊熊  
黃雞鳴樹上  
一聲四郊白  
宿露涼未晞  
火雲漸人逼  
前程望寥闊  
僕夫困思食  
行馬亦求安  
急喘鼓疲力  
累衆若百憫  
繫腰高孤村  
見木末得止  
復何擇

仰面月如水一瀉千里明照君樓上頭照我沙中行樓  
高一延望莽莽山川橫不愁阻汝目但愁阻汝情汝夢  
倘能來吾夢茲伶仃北為樂陵縣南為交河城  
醒亦見明月夢亦見明月明月浩平沙夢時照城闕故  
人十年死在地已枯骨樽酒致顏色身死淚未竭岱雲  
青嵯峨濡海動一髮深榛多虎狼飛鳥五日越來何涉  
嶮巖去何墮飄忽夢醒月又斜裊氣曉蓬勃  
驚沙上蔽天日色變黃暘邊雲下垂地洶為旱潮活颯  
颯風作刀萬生受一割偃地驅龍蛇逼午叫鷓鴣夜勢  
厚為鬱秋氣猛先奪漸覺六合小轉使寸心闊

汲井飼犢牯枯蔭如笠溽土占大年雨自夜來濕日  
光漏瑣碎絮雲等揉葉靈機恰天績靜意受虛集村遠  
閉晚烟茫宵目難入青氣浮浥浥但見鳥空立  
八折香河屯軍營開細柳亞夫鎮邊朔夜星肅刁斗奇  
略破鬼膽談笑出詩酒韓彭先就戮蕭曹復何有憑轅  
指飛隼長劍耿在手飽食稱儒生胡為逐牛後  
廣川古區要城勢如覆盆青山卓南障削入天臺根胡  
盧環西河衡漳相吐吞百里見烽火唇齒聯平原安陵  
逼齊險全趙茲戶門遂使巨鹿馬不向中水屯客來  
形勢地闊沙渾灑清時重防守譙角猶黃昏

萬矢雨射地翻沙，又堂戶雷聲繞屋梁。聞聞震天鼓，危  
城早閉門。風響噫如虎，咫尺決大河。堅堤猝難堵，弱阜  
供外戰。雄心漸中阻，我馬飢且嘶。我僕色淒苦，孤燭照  
我影。瘦屹在墻土，咄嗟行路難。歸當老江滸，  
我行從東來。忽忽自茲住，我行復何往。依依未旋去，山  
不招我涉水。不招我渡縱，無田可耕。豈不如行路南海  
其曷望北關，且迴顧海國荒。稻梁關榆積霜露，  
徐子山仁別三載，作客在陵州。相期覲一面，復為他鄉遊。  
荒庭君所旅，門外黃河流。清如子心河，濁如我愁濁。  
在不可滌清，遠安能求子來。知我來，我已歸滄洲。

三月糧艘來，四月南河得。帆檣擁如薺，人語喧吳音。五  
月尚難達，淺阻甯始今。偏聞兩江歉，春種苦愁霖。胡為  
三齊旱，麥價逾兼金。更以坐游食，芸芸相蝕侵。甚茲  
上國供中道，且滯淫。昨雨已沍汗，民望其日深。  
忽於破店壁，見我松寥詩。張亨甫窮言隱歌哭，淚在無人  
知。餞君昔出都，勸君陳酒卮。深銜友朋意，醉極未忍辭。  
謂將泛湘楚，覓食投所依。一萍去千里，風浪今其時。得  
遇亦幾希，不遇將安歸。  
天容開晴虛，旦氣振疏爽。萬綠各含態，意已愜生養。  
我胸腑清不復愛塵埃，停車坐深樾。戀景故遲往，誰知

夜來雨未及百里廣指顧出重邱早霾正昏漭  
莞莞老若幼負戴行路旁短喘接煩促流汗身手僇前  
村去後市計里紆且長往來日三五未供一日糧雲頭  
火方赤柳下風微涼顧之不敢憩舉步還踉蹌  
浮浮一身汨悒悒難自豪頗矜心氣壯潛與輪鐵消薊  
門望天未千里吹長飈遙知苑南樹未秋青已凋鷓鴣  
今所止昔為鸞鳳巢鸞鳳鍛其羽霞彩沈九霄  
秦塵起關朔西挾太行走排風入東界齊魯遍蒼狗高  
天挂木葉白日墮星斗奔車陷低穴驚馬折其首誰搏  
九州土上與塞天口不測誠難虞在境已身受但持艱

險暫自得順平久廓清還太虛渣滓復何有  
望望東武城樹上城門高近城但見樹夾郭青蔥交就  
樹列棚架風葉鳴午濤袒裸坐男婦盲歌陳缶匏故鄉  
爾自樂遑恤行者勞彼還語行者去去毋相囂  
蹠躩從南來十四誰家兒驚車忽相躡險欲無完肢性  
命彼所愛號痛懸一絲有親在家室歡笑安能知扶之  
道旁臥風礫砭其肌林鳥為啁嘈過客行相悲殘生猶  
可保女且匍匐歸  
城上鳴石山城下鳴犢河河水淪且漣孔子昔所過  
滔不能渡落日津梁多道大世相小悲憫還如何徒以



鳳德哀供彼狂者歌。  
晚色沈菴山逶迤入山縣齊西夙富雄返古漸瀟善大  
衣御泉布一色平貴賤民巷無行狐官衙有巢燕革其  
夸詐習至道已堪變蒸蒸氣日上和風滿郊甸  
有田歲無歉吾亦歸就耕芸芸滿天地誰為培其生攬  
時頗知大卑下言敢輕民心灼苦樂匿抱多隱情相利  
善與導糠粃皆華英兩儀順黃軌六合今澄清藩疆各  
有責弗徒循爾名  
停車憶春夜清歌月當午藉彼友朋樂遣我行役苦斯  
人各蓬葉相合即儔侶究非一體親安偕永行處疾風

掠江水一散幾重聚旅者異關縣歸者已鄉土還留踽  
踽身來此復延佇星霜萬里闊飄搖一鴻羽  
擊柝復擊柝二更催我行我行自南郊南風飄馬鈴鈴  
聲何搖搖我心相怛怛忽來鄉里夢夢見東海城城月  
照我戶海雲上縱橫庭樹長盈尺階草滋以青門有老  
烏語屋有將雛聲  
鬱鬱夜淒坐愁忽低昂生太阿在吾匣風過鏘然鳴韜  
顯有榮辱依我為生平神物古無闕蒼天當有情用可  
宰天下棄亦壽爾名區區恩與仇達者匪所爭  
賤子滯京國輕重無一毛止固不我驅行亦誰見招祥

鸞集華闕山鷓其曹文采亦自絢卑賤安足豪伏棘  
與矜炫徒為弋者嘲迴翔近白雲青天仍爾高  
晏河截如帶驅馬不得過遙遙夕陽色已沒東山阿中  
流下孤艇舟子行自歌相招故紆緩涉者來復多仰首  
見天鳥戢翼還林柯不畏水深闊已越山嵯峨  
齊藩重北杏衛隘聯桃邱紆行覓厓畧山逕升崒嶒山  
窪匿孤縣俯見人烟稠烟氣浮上山山雲平與糾我疑  
雲中君天半驂鸞遊揮雲可成雨下灌千里疇  
寶應至高郵舟中六絕句  
持螯漉酒共船家醉立當風葛帽斜次第吾鄉秋稻熟

賀公湖上看黃花  
蠓殼船窗下工開水風狎畫夢初迴分明到枕香如霧  
吹入殘荷片片來  
芙蓉為岸柳為門鱗舍魚莊自一村蘧渚無人鷗夢靜  
水烟低護過黃昏  
甓社湖平蕩遠烟晚來一路送鳴蟬不隨西樹斜陽盡  
唱到天東月滿船  
天際江城畫裏浮城低帆影在城頭帆邊佛塔零丁甚  
不掩南門一角樓  
城村約略女兒鄉日滄漪平曉氣涼幾陣莎灘青脰鴨

不知荷背有鴛鴦  
過二茗草堂追悼葉上舍元址得詩五章  
惻惻摧摧事難往追委世而没人知子誰推摧惻惻事  
往難憶秋花在庭念子顏色  
林日欲下蛛絲滿門宵然深堂疑子尚存積苔猶昔已  
無履痕慘我望目如對夕昏一蛩悲語倘為吟魂  
何賦乎壽夭其盛年測子夙意冥應未捐子之故人髮  
將變元召靈以氣知來慰憐顏雲一牖已成古天鍾期  
手爪吾盼琴絃  
以子鬱憂與絃結糾疇來撫之而發其幽我亦能撫不

撫亦休大溟無涖曷容繫舟昔別晚春今來早秋五年  
積雨逝不還流百年一瞬均此悠悠  
落葉難掃人以愁老匠心吾中誰識榮槁子為和風我  
為微草當其拂噓習亦忘好在習忘好今始悟稀子影  
悽悽塞子之幃掩子之幃恐有風吹要留子魂來我夢  
依

同曹德馨萬後丞過辨利院觀所藏宋元以來名

人畫大士應真像二百餘軸記之以詩

萬樹旃檀香經秋不蝕氣法林吹爽颺龍象各顏霽  
從煩愁天來此歡喜地滌垢澄寸胸已無世間事癯僧

戒律深能識居大慧探發珍珠藏未容紺雲闕遠自貫  
上人下及羅兩華秋岳輩畫派如禪支一一辨難昧泡電  
一刹那舊家幾陵替采壁烟藻光黃泉夢同逝英樹虛  
像聚自石倉吳氏後人不能守入於王氏質庫適王茨  
檐館王氏以修補資贖之及見聖因寺貫休畫大士象  
拜請梁編修設林杭編修董浦作緣於聖因寺後  
同諸像歸入院中並續購名像附藏得六十餘軸可憐  
五色獅馬廐屈疲睡幸搜金剛魔力與蕩塵穢繼起梁  
與杭湖山踐明誓小轉因緣輪大樹宰官衛龍泓丁具  
願力續作後筏濟遂使半席樓上瑰結靈祕容如枯井  
轟咋舌不能偈吾亦何所修增此眼福慧息資陰陽  
琉璃等柔脆縱為南部民不奪舍利貴且飽山厨齋空

實屏一切切計靜聽西窗蟬獨語壞牆桂出門振領歌  
蒼翠拂無際高甍佛日懸照耀兩峯髻

題項易菴招隱第三圖

勝朝歲癸甲陽九邁天厄彗槍灼辰紀祇淫滿幽蓋東  
南草木死震盪米脂賊流血灌河瀆村堡聽聞隔王  
師入鎮撫殘燠稍安獲惟時江浙間洶洶尚兵革秀州  
一隅地探胠等鳧鷁荒角動哀語高垣黯垂夕天籟有  
文孫冰壺濯神魄血戰通畫理卷舒宋元夕變相九十  
九先生嘗自少至老自寫行見推董宗伯感時抱嗚  
乾坤慘孤息上畫天照遥掉首海雲黑托懷續招隱諷

爽去鏤刻明淑金水閣紆道立山柵曉眄狎鳧鵠秋貞  
寄松柏凌嶽石崩劣俯流水揚激鄰蟪吟晚竹挈猿飽  
春艾放達師阮嵇才略匿皋稷長策守椽靜危徑出門  
仄意遠蠲囂氛庭清謝通籍非匿祥鸞姿甘心墮荒僻  
咄嗟行路難闌市滿戈戟文章羅岸獄冠帶喪廉飭秦  
谷中斷崩虞淵下昏汨淒淒沈昧幽浩浩入荒蕪野馬  
瞥已馳吾素厲清白詠懷疊三什上能屈莊翊嗚咽弔  
青帝精采絢丹冊歲星乙酉夏閏月變倉卒號泣九市  
震城門四槌圻遊火晝生碧照射及公宅猖獗莫抵禦  
踉蹌走荆棘老母偕妻稚各各在行役扶衣趾躑躅揜

衿面徽纒餐風荒火廟宿雨破星驛蒿目人馬尸平野  
鮮禾麥何問縹緗富棄置等泥礫踰時紀丁亥混茫宇  
重闢涕泣作遺民得止木匪擇惻惻天星湖瀕難死無  
窅飄散筠菴書何由慰骸骼先生於此圖亦分等難跬  
誰知武塘僧度祕尚疇昔揮毫重題叙川岳辨歷歷但  
幸一卷留何帝百朋錫運會迭否泰兩儀互盈蝕在劫  
數或存狐魍獍奚奪洎茲二百年古墨出芒色渲染極  
沈厚包涵有元默茅堂顏朗雲故址賸荒櫟草卉沒已  
寒悲憤隱相即尚如岸巾坐盪胸生霹靂猶子東井  
繼起品華碩晚照心清飈坎畫守真脈拂縑吾與歌孤

燈為騰焱奚數長沙圖雄俊駕千億先生有長江萬里  
東林銅黨禍姚江遁枯寂敗葺茲偶存寒窗坐磨拭布  
衣在天地雲水一鱗翻

梅花菴祭畫歌

黃太守得梅花道人吳仲圭畫山  
水長卷祭之其墓作祭畫圖余為

之歌

萬象不動寒籟枯太守示我溪山圖荒烟亂木去蒼鬱  
直從造化爭元樞其中微妙不可說但覺精采澄眉鬚  
生龍活虎木公鼎翠旂孔蓋瑤臺姝沈心刻目相其筆  
可與領略皆皮膚百金市此八珍膾鳳鸞麟炙無鄙厨  
東鄰咫尺道人墓乃設旨醴陳生芻天光裊裊梅華敷

寒香在几雲縠粘空山若或降神馭長髯大袖旁睢盱  
五百年來幾易姓太平喜見今黃虞昔時祆騎恣毒掠  
券臺餒鬼愁戈弧禪龕古骨幸完保敢望意外留區區  
誰料此畫出塵劫墨雖已槁神常腴若璽存漢壁歸趙  
夜光不揜驪龍珠靈應對卷雪悲涕亦復大笑歡胡盧  
道人當日閉門畫客屢聞寂愁妻孥安知落墨透千載  
後之學者皆其徒沈唐文祝辨香奉奚論望瓚癡且迂  
因知設祭例非創幽明訢合同節符想當齋盟肅稽拜  
籬麋林鳥為恬愉疎鐘落日城之隅牛羊上壠冬草蕪  
明春倘復續茲鼎厥勸祀冠裳俱

歲除日自檢詩卷所作詩戲題

身入漆氏林懼奪墨之質遊騎馳八埏終當有歸室  
平遠無可疵等於中危疾鼓翮隨鳳鵬何能破天出豈真  
元籟初欲奏必琴瑟捫心不可安展轉視吾筆

對酒抒懷簡都門故人八章

隱憂不諒鬱成悲海國孤峯眇四陲酒味漸參人事變  
琴歌未覺古音虧空庭花骨蜨烟瘦窄地江流繞郭卑  
息影蝸居無弱夢龕檀刻像拜天隨  
杜陵劇有死生哀小劫滄桑問大槐風雪輪蹄誰壯士  
湘巫雲雨賸荒臺故人贈鉞掀眉看獨座清樽對影開

醉意知憐新鳥好吾庭幸不長蒿萊

綺極江南六代城未添哀怨到蘭成玉人暗夢三年草  
芳樹岑樓二月鶯小別相思中婦豔去時佳語大河橫  
竟從春夜撩秋思枕有疎篁滴露聲

市僧徒爭汗馬勞千秋史筆烟難逃青山舊涕忘蘿薜  
白地雄聲仗節旄頗憶烏臺依日近未愁隼選過雲高  
佳人夙有椎埋膽袖底純鈎漫屈撓

吐納空青蹴嶠壺月輪倒入海心孤乍聞玉葉烟聲脆  
已滌丹臺承屑粗大地不偏祥瑞氣上元新賜太平符  
臨風遠報諸公耳應盡南天萬象蘇

惜我逡巡負所求，縛車駑鈍不能騶。  
竟容落拓師張翰，幾見勲名悔許由。  
黃蘗滿山飢雀舌，碧桃橫鏡淡蛾羞。  
擁書坐作專城貴，一笑邯鄲夢裏侯。  
石闌一寸鼠姑芽，得氣須為斗大花。  
借我巨杯浮琥珀，聽渠靴手摘琵琶。  
江堦昔種琅玕柳，樂府今存蔡女笳。  
自喜梳頭無白髮，此情亦足慰天涯。  
措就衣糧事不侵，坐禪密室有閒心。  
多朋細作家珍數，舊事新從日錄尋。  
抽蛻貫胸防變想，借蠅擁鼻笑癡吟。  
杼懷且付長鴻去，醉裏山川落照深。  
合大八箋四紙畫，一巨梅七日而成。

前身結屋羅浮隈，大梅先生胸有梅。  
胸中梅花第一樹，結雪為骨冰為胎。  
出山喜講玉堂客，入劫懼染蕭州埃。  
空天墮蝶億萬萬，地氣下吸成苔莓。  
江城上元春燈輝，遍懸火齊雕明瑰。  
淵闕羯鼓動九卷，革聲排蕩神樞雷。  
夜中急雨打淒豔，靜月獨向吾窗窺。  
窗前老栢百尺豎，祥雲蔭屋青離披。  
中巢一鶴翹輪大，十年頂結硃砂堆。  
神清不受太古障，鏘我琴韻生玉哀。  
我方沈思入舜籥，珊瑚莽作枯朽摧。  
繚根細網白非鐵，萬廉如罨龍綃裁。  
藐姑含睇翩其來，置酒招坐金銀臺。  
似愁六合陽易，索我始氣噓殘灰。  
躡躡半晌臂忽動，海眼痛掃元雲開。



蛟螭生猶起戰鬪夙離合難尋猜星精耿落真宰手  
石壁倒挂天塹眉七日來復見消息十年積憤供發揮  
回看墨瓮等枯井巨毫秃盡鬢髮慧事關性命不關技  
國之積幹仙之才掃堂代几尚嫌窄苦我背褸襪不鞵  
人間脂粉聽狼藉操此筆者今還誰維時鳳歷正寅始  
各搜妙想誇譎恢悔無實際托根蒂精華飄散何由追  
而我閉門獨成此直令衆象慚芳菲度藏安肯贈庸俗  
懸同北斗爭崔嵬不同北斗爭崔嵬拉雜燒之亦所宜  
爾魂定去華岳頂蓮舟太乙同因依啼飢怨凍滿天下  
被爾煦嫗無窮期否則守爾寒瘦態屈體仍作空山魁

蔭我前身舊住屋如柶蔭我今屋楣屋中丹爐尚無恙  
向平累畢吾當歸

孤花

孤花深有怨匿葉向牆低色瘦辭人賞烟明畏鳥啼靜  
香思酒釀髻歲與春齊嫩夕風多峭誰來慰爾悽

春陰獨居即事五章

藐綠一寸荻瑟縮怨烟濕簾角闌殘花落九將及十守  
硯過半春白日暗中急薰爐裊晚香但為霧氣澀吾心  
匿和煦紛紛思遍給飛羽力不勝嬌蟲尚深蟄層樓對  
好山供我睡餘亦美樓籬陰情賸宵難入陽麓多瑤

枝謂今已可拾遺。盛時使我動愁悒。  
隔竹遊絲風媚我。薄衫影澹冶。不可持。略使病體警。無  
端遠柳西。一抹出斜景。平江如翦綃。映柳綠逾靜。夕氣  
澗不收。獨鷺照千頃。抽我意緒單。繚與絮雲迴寂寂。川  
上磯不見釣魚艇。但見行者帆去去。入溟溟。切空疏。黛  
痕漸與晚烟併。碧窗高下樓。愁目幾人醒。  
懶燕晨語庭。吾坐被薄棉。頗愛病婦粧。靜借簾波妍。我  
懷陶徵君。塵俗資酒蠲。達意不能師。苦因元鬢憐。豔陽  
闕芳趣。百彙期悅年。孰是忘榮枯。俟命安其間。高齡百  
歲壽。幾與佳春緣。况此一春中。半遭風雨顛。我吟倦還

酌招兒來膝前。爾今逾十齡。讀書毋畏艱。  
數日息勞攘。便覺伏處佳。春想能賊心。不如寡所諧。今  
朝得微雨。屐響聞過街。花信離卽中。和光闊無涯。失爾  
虛靜機。接目遂多乖。樂舞聊迴旋。動壁孤影偕。冷風御  
吾意。吾袖如玉揩。灑落一袖雪。掬洗塵熱懷。清樽酒未  
盡。無人過吾齋。坐看鄰篁雲來惹。高檐槐  
黃雞始出。穀食與雛鴨爭。雖爭無惡機。各自娛所生。閒  
居體物態。遠見蒼黎情。盡泯饑寒虞。天地何不平。南窗  
氣略暄。一蝶偶來停。似嫌茶蘼枝。故作遲遲英。三日不  
過圃。茁土當有青。堯雜覓苗。便思嘗其馨。鄙人不務

農於理頗知耕今年中大年奚待秋稼成

和彈篇七章當鞠歌行

一尺之上青天一尺之下黃泉生而為人其際此子胡  
獨迤邐桃李花早松柏壽考窮爾百思不越大造我身  
為積我心為寶寶韞積中毋使塵擾讀書學劍難兩成  
靜思密室處動思深山行密室蕭條多黠鼠深山荆榛  
有飢虎出門入門還兩難歧路而立生長歎空林日落  
聞急湍  
夜光旦旦明星尚爛日光渾渾飛鳥四奔駕言遠遊而  
不知路罔兩一足而不能步老翁白髮悲蹉跎眼中子

弟年少多年少之人不悲老迨其悲時髮枯槁几筵有  
因杯有漿老者對之心益傷勸爾少年早行樂行樂行  
樂夜燭可燃白日莫錯東風吹汝衣春花在林未蕭條  
昔聞八駿馬穆王御之走天下西窮瑤池東扶桑十年  
不粟顏面黃不粟而芝有仙骨歸築陵臺作安歇陵臺  
脂燈照漆棺禪爾位者心方歡太陽高高不熟淵底片  
雲吹來一霎千里壯哉朱侯拔劍而起坐如青山去如  
流水道逢俠客邯鄲來爾意所屬吾已猜白虹不動天  
門開  
悲來乎噫噫殆不可忍過而為此鬱伊汝其我聽為

汝歌之君子被人以德女子媚人以色不求萬年求一  
息汝眉未舒氣先塞試與汝登高樓望遠邱海在下肯  
浮浮繫者鷗飄者舟琪樹零落蓬萊秋仙之人兮今能  
留何弗聯袂人間遊醒眼看天不如醉那有金丹贖憔悴  
食飴匪甘食藥匪苦我思其人中夜起舞其人森森玉  
樹枝空巖結屋雲蘿衣石床蒼苔三尺厚不知寒冷安  
知飢胸中何所貯日月光明雜風雨有時還出山悲嘯  
能動千石頑其人可望不可即出入行蹤那能測仰看  
銀漢高嵯峨北斗當頭劔芒逼萬事平生存胸臆

知我者死矣不知我者左右嬉笑相揶揄爾非竟智吾  
非愚激忿而競胡為乎鳳皇不可以語黃雀語向青田  
千歲鶴梧桐伐作釜底薪誰信人間有阿閣朝買一馬  
暮攜一鞭南行吳楚北走趙燕路長客獨年復年道旁  
插柳高過肩柳為飄花人飄蓬躑躅躑躅安知西東  
是謂可以已堂堂白日君鑒之有梭在手不織絹安庸  
五色籠中絲天地生物於人最貴人負其生吁乎堪畏  
蟀蚤不知歡喜聲燕鶯何知有愁淚除爾蒿滿牆拭爾  
塵滿裳置爾金滿箱看爾考鐘伐鼓升明堂元雲飄搖  
朱鷺翔再拜陛下陳玉觴億萬年壽宜我王

同屬志羅必  
臺作三章  
惇元葉元  
塔遊七寶山  
登大觀

陰苔闕厓磴古級天所成  
湔然散雲葉襲我衣裾馨仰  
首見崇柯桂樹吐繁英  
落日遠相射虛潭浮瑩瑩餘輝  
散高壁佛閣敞四楞  
天風動蘿帶吐納鐘梵聲  
遊籟忽歸寂壑氣早就冥  
已無紫陽客誰叩元關扃  
搜烟入虛壑靈草多茵芝  
日霜未相蝕經秋含綠蕤  
天光細如綫宛轉巖隙垂  
翔禽影忽掠人語虛無吹  
通明達真地意坦行忘危  
崖薜觸巾帽碎影還撲衣  
徑轉得平壤四望空所依  
峰巒盡低俯不顧流雲馳  
窺林見城

郭或疑人氏非安得駕麋鹿  
喬佺共遨嬉

躡足更無上萬象歸一臺  
大風起何湫蕩我胸衿開  
江湖態時變雲鳥赴其機  
木葉在空闊落久猶紛飛  
明日對尊酒歌笑吾知誰  
茫茫古人跡視此猶塵埃  
馳歡戀白日來者亦可哀  
蒼烟未平合倏已沈短暉  
春言二三子去去將奚為

烟霞洞二章

天斧搜厓出祕魔  
雷驅前部六丁呵  
旃檀烟紫真香裊  
茁茁心青古魄羅  
地上飛尸雲茁角  
潭陰愁雨日迴  
文殊不說無生法  
汲飲元精近已多

颯颯枯枝響玉髓瘦峰如筍卓青骸絕藤海眼探龍藏  
佩錢松心斷虎巢明水半盂真宰鑑渾儀一握泰西色  
僧眉如雪長過耳老與空鐘守爛匏

秋日同楊大韞華萬六後丞泛舟虎邱山塘

絮才瑟絃小馮舞颯落闌干暮楊雨市紅秋老花傭悲  
渚綠漪深釣孃語篷牀茗竈炸蝻舟遠山送人官渡頭  
蓉葉蔥朧水灣路珠箔高下城陰樓鷗尾初颺弄瑤碧  
不愁雲涼但愁夕頗憐繡鳳越衫青誰夢啼鳥吳月白  
昔年冶社聯袂觴嫩鶯催酒春鬟香暗燭湘簾遮畫鈿  
明天金翠驕斜陽今朝寂寞兩三客賸有詩心含脈脈

東雅誰懷太僕園西閣重尋諫臣宅啼烟泣露吾不知  
滌愁且借清深卮翦湖風影迴鴻翻壓舵霜華媚菊枝

浮香閣雨夜聽歌示萬六

選色襟懷已逝波桃花夢短奈春何倚屏錦瑟如蘭瘦  
拍竹涼烟上鬢多昔社深樽淹歲月此時飄雁滿關河  
騷心苦到無香拾聊遣蛾眉壽太阿

梅堰過王徵君之佐以新刻吳中兩布衣集見貽

舟中讀竟題後兩布衣者陸鐵蕭大鼎顧醉經

其端

彼二翁者吾舊識聲名溷市誰見惜朱君序之蔣刻之



可憐昔日藏嬌地，斷榭零楊洞幽漆。虛無忽益旃檀氣，  
惆悵投懷語幽咽。出門翹首向空闊，晚景蒼涼去無極。  
湖流江水各自急，初月東南日西北。向來難昧此胸臆，  
何忍無言聽長別。

江上四哀詩

徐同年開業

徐生善培養，愛體逾愛花。每逢囂樂地，避若鉄錢加。堅  
根鮮戕斲，盎盎春發芽。元精貫無溢，內植良自嘉。胡為  
九坂朽，隕石傷靈駟。亦疑天道私，或幸傳聞差。停舟海  
昌郭，水凍雲槎杳。凌寒入紆巷，門徑多枯莎。向風咽悲

涕啞若城頭，雅路人頗相怪。短袖何能遮，在昔客京洛。  
世故紛空葩，每接藹和度。意氣平谿衍，慨然重吾道。痛  
癢關搔爬，塵車二年別。落葉驚飄沙，憑淵重呼叫。魂知  
當未遐，應憐道旁客。躑躅依誰家，嗒馬返舟望。堞樹懸  
古榷，咫尺竟千載。此恨吾何涯。

鄭茂才照

鄭公有俠腸，邱山重然諾。鬻田齋朋好，家業遂中落。旋  
以多難故，晚境劣彌惡。脫略若無介，順受轉怡樂。今年  
秋風中，開徑踏寒穉。提攜薪米資，欣然辦羔酪。愛昵  
性命論，文到日落留。苦無術堅申，後來約重來。亦匪



遙君已化如鶴嗟嗟  
日前支枕尚能藥靈牀拜哀經  
婆妻泣聲弱空庭掃荒翠但有烟漠漠楊侯致遺意雅請  
雲使我淚滷洎臨江望帆影一日數登閣食息舉賤名  
相呼屢多錯敢有未了言倘來夢中託短緣盡一面生  
死兩漠漠白日隔黃泉願罪鄙情薄

方山人絜

方子在人口僅以文技傳安知砥圭臬儕輩鮮其賢內  
默閱元素外溷屏衆緣窮裝滯歸計流泊三吳屢每望  
台宕雲傲傲中憂煎冰霜鬱成癘強忍諱告宣庸醫更  
相毒冥冥天為冤滌湖散寒烏日閑空城烟城南多酒

樓夙共梅花筵城北有斜卷君忽死其間城南多楊柳  
城北聞杜鵑君母已華髮君妻方弱年夢來覓汝魂千  
山路彌漫聞仗友朋力海上已返棺遺書棄闌市零散  
無完全猶憶餞夏日寄我宛轉篇云我能早來尚可偕  
周旋欲死豈自知為此摧惻言

葉山人元堦

葉君乎仲蘭果以憂鬱死平生千載期一朝成逝水自  
與弱冠交百間不踰始直恐寢食離若將性命委每約  
潛深山十年讀經史動因多事故飄泊異行軌適聞右  
病劇吾已客千里誰知慰問書竟作墓前誄意外得凶

訃有淚不能弭黯絕寸心若墮九淵底慘爾兄弟殂  
覺覺各無子大祧懸千鈞危哉一髮恃可憐伯道賢  
等若款鬼身後餘遺文茫茫付誰氏遙知湖上樓敗葉  
飄故紙咄嗟眼中人存者尚有幾降殃必及善天道或  
未爾豈我葉仲蘭竟以憂鬱死

贈朱綬即題其知止堂詩卷

性情作經元氣緯玉在豐年足名貴天池渟碧無濫流  
地下河淮自烟沸憶昔讀君少時作矯翹凌風已不弱  
理亦有範才輒馳情即相傾意猶薄聞君十載始識君  
燕臺春禊天無氛通名座上了一揖後來離合同遊雲

雪晴大江孤榜下解襪吳門正年蜡茅堂清曉尋寒梅  
幹影池心兀凌跨新詩七卷攜歸讀夜半霜飈逼簾燭  
始愁難竟繼恐盡神為提撕氣為求聲名於世多渺茫  
口碑筆火成濫觴吁伊雕羽藉喧赫山雞野翠稱鸞皇  
知君已晚我誠過靈豹詎必皆霧藏筆非鑄鐵何勁直  
不御鉛華倍明嫿翻騰浩蕩中筭籟採取零星盡肝鬲  
千秋巨製若林立逕弗相違貌無竊長言不足還永歎  
喜披荆棘奉崇蘭投珠塵網色黯慘控騶窄卷行蹒跚  
便推再世得李杜豈真重爾將名山淫絲疲竹闕城市  
瓠巴不見琴母彈

與劉山人泳之五章

奈何離別來君文與形瘦秋山削蕪綠骨立彌深秀飄  
花溷清澗香萎即成垢咏懷齊女貞誰能誚其陋高雲  
生薄陰變象作波皺虛心以相期遙遙有巖岫  
大化日凋敝存者皆形餘慨然吾道哀誰讀商周書太  
空引閔矚微茫辨元駒涵精吐其粕蓄厚舒以徐古壁  
偃瘦鄂澄潭懸明蟄使我方寸心置之皇古初  
鬻文供旨漚青年樂萊舞頤養深宅中未嘗出閤戶載  
續南陔吟不慚亦何憮幾見寸草暉得待富貴補旅食  
寡歡悅耳目盡風雨翹首望白雲誰復有肝腑

砥行畏人識匿名里閭閻謳吟暢其致粹然皆道言萬  
木不動風霜天自高寒孤鶴何寥寥來與清氣蟠瓊林  
匿蕪穢位置將何端飲啄但能潔安庸悲草菅  
讀君往歲詩懷我風雪中風雪浩吳楚過海無一鴻斯  
時猷客舟中道方感蓬敢勞君夢魂涉險來相通忽茲  
復握手且罄歡悅衷歡悅亦何常明日山萬重

